

四庫全書

子部

欽定四庫全書

子部

證治準繩卷四十六

詳校官太醫院吏目臣周世泰

編修臣倉聖脈覆勘

總校官進士臣朱 鈐

校對官中書臣吳 俊

謄錄監生臣汪大梓

欽定四庫全書

證治準繩卷四十六

明 王肯堂 撰

傷寒

合病併病

合病併病汗下吐後等病

表裏合病必下

利汗

太陽與陽明合病必自下利葛根湯

主之不下利但嘔者葛根加半夏湯主之 太陽與少

陽合病自下利者與黃芩湯若嘔者黃芩加半夏生薑湯主之 陽明與少陽合病必下利脉滑而數者有宿

食也當下之宜大承氣湯

俱詳下利

併病二陽併病太陽出汗不徹因轉屬陽明自汗不惡寒太陽證不罷面赤躁煩短氣者更發汗則愈 二陽

併病太陽證罷潮熱譫語者下之即愈

論詳譫語

太陽與

少陽併病項強眩冒心下鞭如結胸者刺胸膺肝膺

論見

項強



## 合併病

合病兩經俱病併則一經證罷而併歸於一經也太陽與陽明合病有三證其邪湊有淺深之殊故用藥有汗下和解之異治見各條三陽合病有二證其一證用白虎湯其一證無治法後人用小柴胡白虎之類蓋此二證俱有三陽之候故不可汗下二陽併病有二證表未解者汗之表已解有裏證者下之太陽與少陽併病有三證其一由誤下以致心下鞭成結胸其一項強如柔

瘕狀心下鞭如結胸刺肺俞肝俞慎勿發汗汗則譫語  
不止宜刺期門其一心下鞭項強而眩者刺大椎肺俞  
不宜下也

合病太陽與陽明合病胸滿而喘者不可下麻黃湯

太陽與陽明合病自下利葛根湯不下利但嘔者葛根

加半夏

或曰由太陽表未罷而陽明裏又至兩陽合病熱甚於表乘虛漸攻於裏故下也其不下利而

嘔者邪氣雖攻裏未入於胃但氣逆而嘔故加半夏以止嘔逆龐氏曰外證必頭痛腰疼肌熱目疼鼻乾也脈浮大太陽受病也長者陽明也

頭腰太陽也肌目鼻陽明也

太陽與少陽合病自下利者與黃芩湯若嘔者黃芩加

半夏湯

或曰此表實裏虛熱入攻裏故自下利若無痰飲則嘔也

陽明少陽合病必下利脈長者為順脈弦者為負負者

剋賊也脈滑而數者有宿食大承氣湯

或曰陽明土少陽木其脈弦者

木乘土也不弦者不負也負者必死若滑而數者有宿食非負也故宜下

三陽合病腹滿身重難以轉側口不仁面垢譫語遺尿

不可汗下若自汗者白虎湯

三陽合病脈浮大見關

上但欲眠目合則汗小柴胡白虎湯

或曰此二證俱有三陽之證此不可

汗下

併病二陽併病太陽初得時汗之不徹轉屬陽明續自  
微汗不惡寒大柴胡湯 若太陽證不罷不可下可小  
發汗設面色緣緣正赤陽氣怫鬱在表汗之不徹其人  
煩躁短氣不知痛處宜更發汗則愈葛根湯 二陽併  
病太陽證罷潮熱手足汗大便難譫語者大承氣湯太  
陽少陽併病反下之成結胸心下鞭下利不止水漿不  
下心煩生薑瀉心湯小陷胸湯 太陽與少陽併項強

痛或眩冒時如結胸心下痞鞭刺大椎第一間肺俞肝  
俞不可汗汗則譫語不止刺期門 太陽少陽併病心  
下鞭項強而眩者刺大椎肺俞慎勿下

趙愚嘗疑合病併病之難明也久矣姑釋之蓋合病  
者二陽經或三經同受病病之不傳者也併病者一  
陽經先受病又過一經病之傳者也且如太陽陽明  
併病一證若併而未盡是傳未過尚有表證仲景所  
謂太陽證不罷面色赤陽氣怫鬱在表不得越煩躁

氣短是也猶當汗之以各半湯若併之已盡是謂傳過仲景所謂太陽證罷潮熱手足汗出大便鞭而譫語者是也法當下之以承氣湯是知傳則入府不傳則不入府所以仲景論太陽陽明合病止出三證如前太陽陽明併病則言其有傳變如此也又如陽經互相合病皆自下利仲景於太陽陽明合病則主以葛根湯太陽少陽合病主以黃芩湯少陽陽明合病主以承氣湯至於太陽少陽併病其證頭項強痛眩

冒如結胸心下痞鞭當刺大椎肺俞肝俞不可汗下  
太陽陽明併病已見上論但三陽合病仲景無背惡  
寒語句雖別有口燥渴心煩背微惡寒者乃屬太陽  
證而非三陽合病也活人言三陽合病背惡寒者非  
也三陽若與三陰合病即是兩感所以三陰無合病  
例也

張夫併者乃催併督併之義非吞併就之理然催併  
係去聲吞併之併乃上聲史記曰始皇初併天下即

此理也夫併之理乃前病未解後病已至有逼相併之義故曰併病也經曰太陽與少陽併病頭項強痛或眩冒云云如果併作一家則仲景不具兩經之證而言也其非併字明矣

又曰或云三陽合病有太陽陽明有正陽陽明有少陽陽明似乎重出予曰各有所指不過表裏之分耳夫三陽合病在表三陽陽明病在裏事在兩途即非重出在表者宜解散以痊安在裏者非攻下則不可



然表裏證治迥各不同惟編目有似乎重出

發汗後不解

傷寒初感始以太陽故以發汗為首汗行如雨散雲收其病乃愈倘汗行不解者或表邪未盡或熱邪傳裏或邪氣乘虛內客故有汗後而不解者

發汗病不解反惡寒虛也芍藥甘草附子湯 太陽病

發熱汗不解仍發熱心下悸振振欲擗地真武湯 發

汗後身疼痛脈沉者桂枝加芍藥人參新加湯 太陽

發汗遂漏不止其人惡風小便難四肢拘急難以屈伸  
桂枝加附子湯 大汗出熱不去內拘急四肢疼下利  
惡寒四逆湯 發汗過多冒心心下悸欲得按桂枝甘  
草湯 汗後腹脹滿厚朴生薑人參湯 太陽病發汗  
後大汗出胃中乾燥不得眠欲飲水者少少與之則愈  
若脈浮小便不利微熱消渴者五苓散 發汗已脈浮  
數煩渴五苓散 服桂枝湯脈洪大與桂枝湯如前法  
若形如瘧日再發汗出必解麻黃湯 發熱汗出不解

心中痞鞭嘔吐不和大柴胡湯 服桂枝湯大汗出大  
煩渴不解脈洪大白虎加人參湯 發汗後臍下悸欲  
作奔豚茯苓桂枝甘草大棗湯 發汗後不惡寒但惡  
熱蒸蒸發熱者實也調胃承氣湯 發汗後不可更行  
桂枝汗出而喘無大熱者麻黃杏仁甘草湯

下後不解

去傷寒之邪不過汗吐下之三法也三法得當病勢易  
衰則愈矣三法失宜病勢危惡傳變不已誠可慮也况

發汗吐下後邪氣乘虛而未散或壅窒而未盡則當量其虛實以治之先賢謂之邪氣之虛實發汗吐下之不瘥溫補針灸之適當則萬全之功可得矣若過經者以六日傳六經七日為一候若不愈十三日乃再傳經盡所以謂之過經也

傷寒五六日大下後身熱不去心中結痛未欲解也梔子豉湯下後心煩腹滿卧起不安梔子厚朴湯 陽明病下之心中懊憹而煩梔子豉湯若有燥屎者大承氣

湯 太陽病下後脈促胸滿桂枝去芍藥湯微惡寒者  
去芍藥方中加附子醫以丸藥下之身熱不去微煩梔  
子乾薑湯 太陽病桂枝證醫反下之利遂不止脈促  
者表未解喘而汗出者葛根黃連黃芩湯 服桂枝湯  
或下之仍頭痛項強無汗翕翕發熱心下滿微痛小便  
不利桂枝去桂加茯苓白朮湯 太陽病過經十餘日  
二三下之嘔不止心中微煩大柴胡湯下之 六七日  
大下後寸脈沉而遲手足厥逆下利脈不至咽喉不利

吐膿血瀉利不止為難治麻黃升麻湯

汗吐下後不解

五六日已發汗復下胸脇滿微結小便不利渴而不嘔  
但頭汗出往來寒熱心煩為未解柴胡桂薑湯 太陽  
汗吐下解後心下痞鞭噫氣不除者旋覆代赭石湯

太陽先發汗不解而復下之脈浮者則知病在外當須  
解外桂枝湯 發汗若下之病仍不解煩躁不得眠茯  
苓四逆湯 大汗若大利而厥者四逆湯 下後復發

汗晝日煩躁不得眠夜而安靜不嘔不渴無表證脈沉  
微身無大熱乾薑附子湯 下後復發汗必振寒脈微  
細此內外俱虛也 傷寒本寒後復吐下之食入口即  
吐乾薑黃連黃芩人參湯 發汗吐下後虛煩不得眠  
劇者反覆顛倒心中懊憹梔子豉湯 發汗若下之煩  
熱胸中窒梔子豉湯 吐下後不大便五六日至十餘  
日日晡發潮熱不惡寒獨語如見鬼狀循衣摸牀脈弦  
者生瀉者死但發熱譫語者大承氣湯 吐下後腹脹

滿邪熱入胃也調胃承氣湯 太陽吐下後微煩小便  
數大便鞭小承氣湯 吐下後七八日不解結熱在裏  
表裏俱熱時時惡風大渴舌上乾燥煩欲飲水白虎加  
人參湯 吐下後心下逆滿氣上衝胸頭眩脈沉緊發  
熱則動經身為振搖茯苓桂枝白朮甘草湯

喘

成肺主氣形寒飲冷則傷肺故其氣逆而上行衝衝而  
氣急喝喝而息數張口擡肩搖身滾肚是為喘也有邪



在表致氣不利而喘者麻黃湯桂枝加厚朴杏仁湯有  
水射肺而喘者小青龍湯發汗後飲水必喘以水灌之  
亦喘及傷寒心下有水氣乾嘔發熱而欬或喘者小青  
龍去麻黃加杏仁是欲發散水寒也經曰喘而汗出者  
與葛根黃芩黃連湯以利之

此邪氣內攻氣逆不利因喘而汗出見其邪氣在裏

也雖表未解未可和之

汗出而喘者與麻黃甘草石膏湯以發之

此外邪壅盛使氣不利汗出而喘不已見其邪氣在表也雖經汗下亦可發之

若傷寒止於邪

氣在表而喘者心腹必濡而不堅設或腹滿而喘則又

為可下之證經曰短氣腹滿而喘有潮熱者此外欲解可攻裏也又汗出髮潤喘不休者為肺絕身汗如油喘而不休為命絕直視譫語喘滿者死是皆不治之喘也太陽病頭痛發熱身痛腰痛骨節痛惡風無汗而喘麻黃湯 太陽與陽明合病喘而胸滿者不可下麻黃湯 許有人病傷寒脈浮而長喘而胸滿身熱頭痛腰脊強鼻乾不得卧予曰太陽陽明合病仲景云中有三證下利芤根湯不下利嘔逆者加半夏喘而胸滿者

麻黃湯也治以麻黃湯得解

傷寒表不解心下水氣乾嘔發熱而欬或喘者小青

龍湯

方見太陽病

發汗後飲水多必喘以水灌之亦喘

喘肺

疾飲水多而喘者飲冷傷肺也以冷水灌洗而喘者形寒傷肺也或用小青龍加杏仁猪苓湯

傷

寒心下水氣欬而微喘發熱不渴服湯已渴者此寒

去欲解也小青龍湯喘家有汗桂枝湯加厚朴杏仁

佳

太陽病為諸陽主氣風甚氣擁則生喘也與桂枝湯以散風加厚朴杏仁以降氣

太陽病

下之微喘者表未解故也桂枝加厚朴杏仁湯主之

下後

大喘則為裏氣太虛邪氣傳裏正氣將脫也下後微喘則為裏氣上逆邪不能傳裏猶在表也與桂枝湯以解外加厚朴杏仁以下逆氣

桂枝加厚朴杏仁湯方

桂枝去皮芍藥

生薑

切各兩

厚

朴

炙去皮

甘草

炙各二兩

杏仁

去皮尖五十枚

大棗

二十枚擘

右七味以水七升煮取三升去滓溫服一升

發汗後不可更行桂枝湯汗出而喘無大熱者可與麻

黃杏仁甘草石膏湯主之

成發汗後喘當作桂枝加厚朴杏仁湯汗出則喘愈今汗

出而喘為邪氣壅甚桂枝湯不能發散故不可更行桂枝湯汗出而喘有大熱者內熱氣甚也無大熱者表邪

必甚也與麻黃杏仁甘草石膏湯以散其邪張子觀仲  
景常言發汗後乃表邪悉解止餘一證而已故言不可  
更行桂枝湯今汗出而喘無大熱乃上焦餘邪未解當  
用麻黃杏仁甘草石膏湯以散之夫桂枝加厚朴杏仁  
湯乃桂枝證悉具而加喘者用之註言汗出而喘以為  
邪氣壅甚非桂枝所能發散此誤也況身無大熱更無  
證何故復言表邪必甚其後章下後不可更行桂枝湯  
條下注曰汗下雖殊既不當損正氣則一其言有至理  
存焉可見汗後所注之誤矣原其理當時因  
事發機前後失於照應故有此等之弊也

下後不

可更行桂枝湯若汗出而喘無大熱者可與麻黃杏仁

甘草石膏湯

成上條云發汗後不可更行桂枝湯汗出而喘無大熱者為與此證法同汗下雖殊

既不當損正氣則一邪氣所傳既同遂用一  
法治之經所謂若發汗若下若吐後是矣

麻黃杏仁甘草石膏湯方

麻黃

四兩  
去節

杏仁

五十枚  
去皮尖

甘草

炙二兩

石膏

半斤碎  
緜裏

右四味以水七升先煮麻黃減二升去上沫內諸藥煮取二升去滓溫服一升

肝苦急急食甘以緩之風氣通於肝風邪外甚故以甘劑發之

太陽病桂枝證醫反下之利遂不止脈促者表未解也

喘而汗出者葛根黃芩黃連湯

方見下利

陽明中風口苦咽乾腹滿微喘發熱惡寒脈浮而緊若

下之則腹滿小便難麻黃湯 陽明脈浮無汗而喘者

發汗則愈宜麻黃湯 陽明病脈浮而緊咽燥口苦腹

滿而喘發熱汗出不惡寒反惡熱身重白虎湯五苓散

傷寒四五日脈沉而喘滿沈為在裏而反發其汗津

液越出大便為難表虛裏實久則譫語

邪氣入內之時得脈沈而喘滿

裏證具也則當下之反發其汗令津液越出胃中乾燥大便必難久則尿燥必發譫語也 大承氣湯

陽明病脈遲雖汗出不惡寒者其身必重短氣腹滿而

喘有潮熱者此外欲解可攻裏也手足濇然而汗出者

此大便已鞭也大承氣湯主之 病人小便不利大便  
乍難乍易時有微熱喘冒不能卧者有燥屎也宜大承  
氣湯

診傷寒吐下後不大便潮熱若劇則不識人循衣摸牀

微喘直視脈弦者生瀉者死

詳循衣摸牀

濕家下後額汗

微喘大小便利者死

論見體痛

少陰病息高者死

詳見厥利論見

欲寐

厥冷無脈灸之不還反微喘者死

詳見厥利

直視譫

語喘滿者死

論見譫語

脈浮洪汗出如油髮潤喘不休為



命絕

附

活陰證喘促者返陰丹主之四肢逆冷喘促入口便佳

方見陰毒

病人小渴與水劇飲之致停飲心下滿結者喘死甚衆

當以五苓散或陷胸丸主之

方見渴及結胸

戴喘嗽有陰陽太陽經喘嗽畧於前本經言之詳見嗽門少陽有嗽無喘有喘非少陽也其見少陽證而嗽者

宜小柴胡湯加北五味子六分乾薑四分陽明有喘無嗽有嗽非正陽明也其陽明證喘有潮熱者宜大承氣湯陰證喘惟少陰有之若四肢沉重疼痛小便如常大便自利而嗽者真武湯去芍藥加北五味乾薑各半錢細辛三錢此陰中之陰若四肢厥逆腹中痛泄利下重而咳四逆湯加北五味乾薑各半錢下利嘔渴身煩不得眠而咳嗽者豬苓湯此陰中之陽諸陰喘促最為危證返陰丹

吳凡表有寒發喘者脈浮緊惡寒身疼無汗也宜麻黃湯汗之若表有風發喘者脈浮緩惡風自汗也宜桂枝湯加厚朴杏仁主之凡陽明內實不大便腹滿短氣發潮熱而喘者大柴胡加厚朴杏仁湯或小承氣湯凡陰證厥逆脈沉細而微氣促而喘無汗者宜四逆湯加五味杏仁凡虛人脈伏若手足逆冷而喘者五味子湯凡暴冒風寒脈浮無汗而喘蘇沈九寶湯凡熱盛有痰脈弦數而喘不可汗不可下以小柴胡湯加知母貝母瓜

薑仁胸滿者加枳殼桔梗心下滿者加枳實黃連舌燥  
飲水而喘者加知母石膏主之古人云諸喘為惡故非  
輕也華佗曰盛則為喘蓋非肺氣盛也乃肺中之邪火  
盛也所以瀉白者瀉肺中之火也非瀉肺也又為瀉心  
湯乃瀉心下之痞滿者也衛生寶鑑曰凡看文字有餘  
當認足不足者蓋受病為不足病氣為有餘也

五味子湯

方見  
厥門

蘇沉九寶湯

桑白皮

上

甘草

下

大腹皮

下

官桂

下

麻

黃

中

薄荷

下

陳皮

上

紫蘇

中

杏仁

去皮尖

炒中

生薑

三片

烏梅

半個

右用水二鍾煎至八分去滓通口服

加減瀉白散

治煩熱胸膈不利上氣喘促口乾或效

者

桑白皮

二錢

知母

橘紅

瓜蒌仁

去殼

細黃芩

貝

母

桔梗

甘草

各一錢五分

地骨皮

一錢

右煎服法同前

短氣

成短氣者氣急而短促似喘而非喘喘則張口擡肩短氣只是氣促不能相續似喘而不擡肩似呻吟而無痛

也有責為實者

經曰短氣腹滿而喘有潮熱此外欲解可攻裏此短氣之實者也

有責

為虛者

經曰跌陽脈浮而緊緊則為寒微則為虛微虛相搏汗出短氣小便不利惡風者甘草附子湯

有在表

者

經曰短氣但坐以汗出不徹故也更發汗則愈與其風濕相搏汗出短氣小便不利惡風者甘草附子湯

此邪在表而氣短也

有在裏者

經曰乾嘔短氣汗出不惡寒此表解裏未和十棗湯與太陽病醫反

下之短氣煩躁懊憹心中硬成結胸大陷胸湯此邪在裏而短氣也

治各有異大抵短氣

為實要略曰短氣不足以息者實也又水停心下亦令

短氣要略曰食少飲多水停心下微者短氣學者察諸

表證短氣骨節痛不得屈伸汗出小便不利惡風身腫

者為風濕宜甘草附子湯

方論見  
體痛

短氣腹滿脇痛其

人若脈弦浮大外不解無汗嗜卧身黃小便難有潮熱

者小柴胡湯

論見胃實方  
見往來寒熱

裏證若表未解手足濇然汗

出或有潮熱者宜大承氣湯

方論見  
潮熱

若表解心下痞

鞭乾嘔短氣者宜十棗湯

方論見  
脇滿痛

汗不徹短氣煩躁若發汗不徹續微汗出不惡寒表證

不罷面赤者為併病更發汗則愈

論見面赤

下後若下後心中懊懣心下鞭痛者用大陷胸湯

論見結胸

診趺陽脈微而緊緊則為寒微則為虛微緊相搏則為短氣坐而伏者短氣也

附

陶傷寒失於汗下或因汗下後虛令人氣逆不相接續者名短氣分虛實治之此與喘證不相類



吳因汗吐下後元氣虛弱脈來微虛氣不能相接而短少者以人參益氣湯凡陰證脈弱沉細而遲手足逆冷面上惡寒如刀割口鼻之氣難以布息而短者宜四逆湯加人參主之又食少飲多水停心下令人短氣煩悶茯苓甘草湯

身重

成身重之由有風濕有風寒有風濕俱見有火逆有易病有三陽合病雖所得不一然悉屬三陽非若身疼無

有三陰裏寒也壞病有矣寒則無之識者鑒焉

太陽傷寒脈浮緩身不疼但重乍有輕時無少陰證者

大青龍湯發之

詳太陽病

發汗已身猶灼熱名曰風溫脈

浮汗出身重多眠鼻息鼾

詳風溫宜活人姜桂湯

風溫脈浮身

重汗出惡風者宜

防已黃芪湯

防已

一兩

甘草

半兩

白朮

七錢半

黃芪

去蘆一兩一錢

右咬咀每服五錢生薑四片大棗一枚水一盞半煎

至八分溫服良久再服服後當如蟲行皮中從腰下

如冰後坐被上又以一被繞腰已下溫令微汗瘥

喘者加麻黃半兩 胃中不和者加芍藥三分氣上衝者加桂三分 下有沈寒者加細辛三分

脈浮宜以汗解用火灸之邪無從出因火而盛病從腰以下必重而痺名火逆也 脈浮數者法當汗出而愈若下之身重心悸者不可發汗當自汗出乃解所以然者尺中脈微此裏虛須表裏實津液自和便自汗出愈傷寒八九日下之胸滿煩驚小便不利譫語一身盡

重不可轉側者柴胡加龍骨牡蠣湯主之

方見驚病有身重不

能轉側下後血虛津液不榮於外也身疼不能轉側者風濕相搏於經而裏無邪也經曰傷寒八九日風濕相搏身疼體煩不能自轉側不嘔不渴脈浮虛而濡者以上桂枝附子湯主之此以柴胡加龍骨牡蠣湯主之以上二證言不能轉側頗相似論疼與重俱不相侔各從本法為宜也

陽明病脈遲汗出不惡寒身重短氣腹滿而喘或潮熱

或不潮熱承氣湯證

詳腹滿

陽明病脈浮緊口苦咽燥

腹滿而喘發熱汗出不惡寒身重忌汗忌燒鍼忌下

詳自

汗注云此證宜和解之

三陽合病腹滿身重難以轉側口不仁而面垢譫語遺

尿發汗則譫語下之則額上生汗手足逆冷若自汗出

者白虎湯主之

成腹滿身重難以轉側口不仁而譫語者陽明也鍼經曰少陽病甚則面微塵

此面垢者少陽也遺尿者太陽也三者以陽明證多故出陽明篇中三陽合病為表裏有邪若發汗攻表則燥熱益甚必愈譫語若下之攻裏表熱乘虛內陷必額上汗出手足逆冷其自汗出者三陽經熱甚也內經曰熱則腠理開榮衛通汗大泄與白虎湯以解內外之熱

少陰病腹痛小便不利四肢沈重疼痛下利者真武湯

中喝發熱惡寒身重而痛手足逆冷小有勞身即熱小

便已洒洒然毛聳其脈弦細孔遲口開前板齒燥此為

太陽中暍忌汗下溫鍼

宜白虎加人參湯詳暑病

陰陽易身重少氣少腹裏急或引陰中熱上衝胸眼花

者此為陰陽易宜燒裊湯

方論見陰陽易

### 難轉側

三陽合病腹滿身重難轉側汗出者白虎湯

論見身重

下

後胸滿煩驚小便不利譫語身重不可轉側者柴胡牡

蠣湯

論見驚

風濕相搏身體煩痛不能自轉側不嘔不

渴脈浮虛而澁者桂枝附子湯

論詳身體痛

面赤

面垢

眼花

面青

太陽病面反有熱色二陽併病面色緣緣正赤陽明面合赤色皆是表邪必發散解肌而愈少陽目赤和解而安少陰面赤色厥陰面少赤帶陽二日必四逆而後可也面赤雖由陽熱而生然各經俱無可下之證在少陰厥陰者正證有下利厥逆脈微實為陰寒之病縱面赤似陽只是兼化而已

太陽病如瘧狀若脈微惡寒面反有熱色而身痒者桂枝麻黃各半湯小汗之

方論見發熱

脈浮而遲面熱赤而

戰惕者六七日當汗出而解反發熱者瘥遲為無陽不能作汗其身必痒也

二陽併病太陽初得病時發其汗汗先出不徹因轉屬陽明續自微汗出不惡寒若太陽證不罷者不可下之下之為逆如此可小發汗設面色緣緣正赤者陽氣怫鬱在表當解之薰之若發汗不出出不足言陽氣怫鬱



不得越當汗不汗其人躁煩不知痛處乍在腹中乍在

四肢按之不可得其人短氣但坐以汗出不徹故也更

發汗則愈何以知汗出不徹以脈澀故知也

因發不透  
徹而面赤

躁煩短氣者不足言陽氣怫鬱止  
是當汗不汗也故更發汗則愈

陽明病面合赤色

不可攻

葛根湯

少陰病下利清穀手足厥逆脈微欲絕

身反不惡寒者通脈四逆湯加蔥白

詳下利

厥陰下利

清穀脈沈遲面少赤身有微熱者必鬱冒汗出而解病

人必微厥所以然者其面戴陽下虛故也

詳下利

面赤

而身熱足寒卒口噤背反張者瘕病也

詳雜病  
瘕門

面赤

而斑斑如錦紋咽喉痛唾膿血者陽毒也

詳陽  
毒

面垢

三陽合病腹滿身重難轉側口不仁譫語面垢遺尿不可汗下 面青太陽病汗後遂發熱惡寒復加燒針因胸痞面青膚濇者難治色微黃身足溫者易愈

目赤少陽中風兩耳無聞目赤胸滿而煩者不可吐下

小柴  
胡湯

附

面黃孫兆口訣云工部郎中鄭忠厚患傷寒胸腹滿  
面黃如金色諸翰林醫官商議略不定推讓曰胸滿  
可下恐脈浮虛召孫至曰諸公雖疑不用下藥鄭之  
福也下之必死某有一二服藥服之必瘥遂下小陷  
胸湯尋利其病遂良愈明日而色改白京師人稱服  
壞病

仲太陽病三日已發汗若吐若下若溫針仍不解者此  
為壞病桂枝不中與也觀其脈證知犯何逆隨證治之

按逆者謂不當汗而汗不當下而下或汗下過甚皆不順於理故云逆也隨證治之者如後云汗後病不解及發汗若下之病仍不解某湯主之之類是也隨證治之一句語活而義廣王韓諸家以壞病另作一證而以羊肉湯主之誤矣

本太陽病不解轉入少陽者脘下鞭滿乾嘔不能食往來寒熱尚未吐下脈沉緊者與小柴胡湯若已吐下發汗溫針譫語柴胡證罷此為壞病知犯何逆以法治之

趙仲景論中所謂壞病者以太陽病誤汗吐下後虛煩結胸痞氣吐後內煩腹脹滿等證是也此正謂桂枝不中與小柴胡湯證罷者渴嘗指異氣之病如活人所謂異氣為壞病之說仲景又云更感異氣變為他病者即索矩所謂二氣三氣雜合為病是也以其未可定名而非有名四種溫病之比故以變病名之且四經溫病仲景以為冬傷於寒至發為溫病溫病未已重遇於邪變為溫瘧風溫溫毒溫疫病未嘗壞

故以變證名之一曰壞病一曰變證名目自是不同  
可見異氣不為壞病也審矣假如溫瘧果為壞病則  
仲景不言小柴胡湯證罷也請人思焉

是齋方傷寒陰陽二證不明或投藥錯誤致患人困重  
垂死七日以後皆可服傳者云千不失一用好人參一  
兩去蘆薄切水一大升於銀石器內煎至一盞以新水  
沈之取冷一服而盡汗不自他出只在鼻梁尖上涓涓  
如水是其應也妙甚蘇軾光云侍郎方丈嘗以救數十

人王使君宰清流日倅車申屠行父子之婦產後病時疫一十餘日已成壞病偶見問因勸其只服人參一味遂安是時未知有此方偶然暗合耳

海陽證大汗大下後亡陽於外亡血於內上而津脫下而液脫津液兩亡宜以羊肉湯補之矧陰證者豈可不溫補哉此與傷寒太陽證振搖與真武湯一例外之陽病至此尚溫況內之陰候豈得不補耶

韓產脫血虛者宜用羊肉湯傷寒汗下太過亡陽失血

若只用救逆效必遲矣與羊肉湯為效神速病人面色雖見陽是客熱上焦中下二焦陰氣已盛若調得下焦有陽則上焦陽氣下降丹田知所歸宿矣夫氣有高下病有遠近證有中外治有輕重各適其至所為故病八九日汗下太過二脈沈細無力多蹇足卧惡聽人聲皮有粟時戰如瘧宜羊肉湯主之

羊肉湯方

當歸

白芍藥

牡蠣

煨赤各一兩

生薑

二兩

枝

七錢半

龍骨

煨通赤半兩

黑附子

炮去皮臍四錢



右為粗末每服一兩羊肉四兩葱白五寸去黃心同  
剉爛以水五升熬減一半以來濾絞去渣分三服服  
之按此方陰證宜之

鼈甲散 治傷寒八九日不瘥諸藥不効名壞傷寒

鼈甲

醋炙為末

升麻

前胡

烏梅肉

枳實

犀角

鎊

黃芩

各半兩

甘草

二錢半

生地黄

一兩

每服五錢水

一盞半煎至八分去滓服 按此方陽證宜之

振戰慄

成振者聳動也戰者戰搖也慄者心戰也振輕而戰重也戰外而慄內也振者責其虛寒虛則不至於爭故止於振聳耳戰者為正與邪爭為則股慄而戰矣戰雖重於振而慄重於戰也戰者正氣勝慄則邪氣勝也皆邪正之相爭也

太陽傷寒若吐若下後心下逆滿氣上衝胸起則頭眩脈沈緊發汗則動經身為振振搖者茯苓桂枝白朮甘草湯主之

成吐下後裏虛氣上逆者心下逆滿氣上衝胸表虛陽不足起則頭眩脈浮緊為邪在表

當發汗脈沈緊為邪在裏則不可發汗發汗則外動經絡損傷陽氣陽氣外虛則不能主持諸脈身為振振搖也與此湯以和經益陽

茯苓桂枝白朮甘草湯方

桂枝

去皮三兩

茯苓

四兩

白朮

甘草

各二兩炙

右四味以水六升煮取三升去滓分溫三服

陽不足者補之以甘茯苓白朮生津液而益陽也寒氣逆者散之以辛桂枝甘草行陽散氣

太陽病發汗汗出不解其人仍發熱心下悸頭眩身瞤

動振振欲擗地真武湯主之

方見下利

孫太乙宮道士周德真患傷寒發汗出多驚悸目眩身戰掉欲倒地衆醫有欲發汗者有作風治者有用冷藥解者病皆不除召孫至曰太陽經病得汗早欲解不解者因太陽經欲解復作汗腎氣不足汗不來所以心悸目眩身轉遂作真武湯服之三服微汗自出遂解蓋真武湯附子白朮和其腎氣腎氣得行故汗得來也若但責太陽者惟能乾涸血液耳仲景云尺脈不足榮氣不足不可以汗以此知腎氣怯則難

得汗也明矣許學士云鄉里有一姓高者子年三十  
初得病身微汗脈弱惡風醫以麻黃藥與之汗遂不  
止發熱心多驚悸夜不得眠譫語不識人筋惕肉瞤  
振振動搖醫又進鎮心藥予曰強汗之過也仲景曰  
脈微汗出惡風不可服青龍湯服之則筋惕肉瞤此  
為逆也惟真武湯可救進此三服佐以清心竹葉湯  
數日遂愈

清心竹葉  
湯方未考

下後復發汗必振寒脈微細所以然者以內外俱虛故

也 亡血家不可發汗發汗則寒慄而振 太陽病火

熨其背大汗出火熱入胃發譫語十餘日振慄自下利

者此為解也

詳譫語

脈浮緊按之芤當戰而汗出解脈

芤為虛是以發戰脈浮為在表故當汗出解也

論見首卷

太陽病脈陰陽俱停等必戰慄汗出而解

論見發熱

凡柴

胡證下之若柴胡證不罷者復與柴胡湯必蒸蒸而振

發熱汗出而解

論見往來寒熱

脈浮而遲面熱赤而戰惕者

當汗出解也反發熱者脈遲不能作汗其身必痒也

論見

面赤

諸乘寒者則為厥鬱胃不仁口急不能言戰而慄也陰中於邪必內慄也表氣微虛裏氣不守故邪中於陰也

韓汗下後戰者與救逆湯微減與羊肉湯再投而戰解若陰氣內盛正氣太虛心慄鼓領身不戰者遂成寒逆宜灸之或用大建中湯仲景治尸厥戰而慄者刺期門巨闕

吳凡振者大抵氣血俱虛不能榮養筋骨故為之振

搖而不能主持也須大補氣血則可予曾用人參養榮湯得効又一人身搖不得眠者以十味溫膽湯倍加人參遂愈內經曰寒之傷人使人毫毛畢直鼓頷戰慄而無汗按此表寒而戰慄也經言病有戰而汗出因得解其脈浮而緊按之反芤此為本虛故當戰而汗出也又曰脈陰陽俱停以三部浮沉遲數脈同等必先振慄汗出而解若脈浮數按之不芤其人本不虛者則汗出而解不發戰也若不發戰而心慄者



此陰中於邪必內慄也凡正氣怯弱寒邪在內必為  
慄也學者宜詳究焉

加味人參養榮湯 治發汗過多氣血俱虛而筋惕肉

瞤或身振搖者 人參二錢半 茯苓 甘草炙 川芎各一

錢 白朮 麥門冬去心 當歸身各一錢半 五味子十五粒 肉

桂一錢有熱者減半 生地黄一錢半有熱者用此無汗用熟地黃 黃芪二錢半有

自汗者用二錢 生薑三片 棗子二枚 水二鍾煎至一鍾去

滓溫服如陰虛相火動者加知母黃蘗各一錢酒炒

用若陽虛下寒脈微者加熟附子一錢肉桂倍之不得眠加遠志酸棗仁各一錢

加味溫膽湯

治虛煩身振不得眠

人參

二錢半

橘紅

茯苓

黃連

酒炒

茵陳

當歸身

川芎

白芍藥

生地黄

酸棗仁

以上各一錢

半夏

七分甘草

五分

竹茹

圓一生薑

三片

上煎服法同前

筋惕肉瞤

成經云陽氣者精則養神柔則養筋發汗津液枯少陽

氣大虛筋肉失養故惕惕而跳。跳，闢闢然而動也。直宜溫經益陽真武之類是矣。又傷寒吐下後復發汗，筋脈動惕者，久而成痿。及太陽病發汗復下之，表裏俱虛，復加燒針，因膚闢者，難治。二者逆之甚也。又非若但發汗後可比發汗吐下，庸可忽諸。

太陽病脈微弱，汗出惡風者，不可服大青龍湯。服之則厥逆筋惕肉瞤，宜真武湯。太陽病已汗不解，仍發熱。

頭眩身瞤振振欲擗地者，真武湯。

或以人參養榮湯倍人參當歸。

傷

寒吐下後復發汗虛煩脈甚微八九日心下痞脇下痛

氣上衝咽喉眩冒經脈動惕者久而成痿

真武湯桂枝  
苓朮甘草湯

陽明傷寒吐下後不解不大便五六日至十餘日日

晡時發潮熱不惡寒獨語如見鬼狀循衣摸牀惕而不

安微喘直視脈弦者生澀者死但發熱譫語者大承氣

湯 陽明脈浮而緊咽喉燥口苦腹滿而喘發熱汗出不

惡寒反惡熱身重若加燒針必怵惕躁煩不得眠 若

動氣在左頭汗不止者活人用防風白朮牡蠣次服建

中湯

診汗下吐溫針後若膚瞤動胸煩面色青黃者難治

論見

痞

活傷寒吐下後發汗脈微心下痞脇痛氣上衝筋脈  
動惕此為逆甚

吳夫此證皆因發汗攻表太過邪熱未解血氣虛奪  
筋肉失養所致或不因此由素稟血少邪熱搏於血  
脈之中火性動惕故也曾治一人傷寒不經發汗七

八日筋脈動惕潮熱來尤甚其肉不潤大便秘結不行小便赤澀以手按臍旁鞭痛此有燥屎也以加味大柴胡湯下之而愈又一人傷寒十餘日曾三四次發汗過多遂變肉瞤身振搖筋脈動惕此汗多氣血俱虛故也以加味人參養榮湯二劑而愈又一人汗後虛煩不得眠筋惕肉瞤內有熱以加味溫膽湯治之而愈凡治此證最要察虛實也

又手冒心

發汗過多叉手自冒心心下悸欲得按者桂枝甘草湯

悸見

驚悸

驚悸之別雜病中辨之甚明傷寒中有單言驚者有單言悸者理不得淆故兩分之其兼言驚悸者則少陽耳  
聾目赤胸滿而煩者不可吐下吐下則悸而驚一條而已

海茯苓丸 治傷寒後或用心勞倦四肢羸弱心忪驚

悸吸吸短氣

茯神

麥門冬

去心

熟地

各一兩

牡丹皮

人參

黃芪

各七錢

桂枝

甘草

炙

牛膝

澤瀉

各半兩

研為細末煉蜜和搗三五百杵丸如梧桐

子大每服二十九食前溫酒下

犀角湯

治傷寒後伏熱在心怔忡驚悸不得眠睡

犀角屑

半兩

茵陳蒿

七錢

茯苓

二兩

芍藥

二兩

生地黃

焙二兩

麥門冬

去心一兩半

山梔

半兩

為呔咀

每服五錢

水一盞半薑二片竹葉三七片同煎至七分食後服



麥門冬茯苓飲子 治傷寒後心神恍惚不得卧

麥門冬去心 赤茯苓去皮 知母焙 芍藥 炙甘草 酸

棗仁微炒 陳皮去白炒 檳榔各一兩 為咬咀每服五錢

水一盞半生薑五片煎溫服日三

驚

夫驚壞病也由誤下火逆溫針所致仲景之法不過隨其逆而調之傷寒八九日下之胸滿煩驚小便不利譫語一身盡重不可轉側者柴胡加龍骨牡蠣湯主之

成傷

寒八九日邪氣已成熱而復傳陽經之時下之虛其裏而熱不除胸滿而煩者陽熱客於胸中也驚者心惡熱而神不守也小便不利者裏虛澤液不行也讖語者胃熱也一身盡重不可轉側者陽氣內行於裏不營於表也與柴胡湯以除胸滿而煩加龍骨牡蠣鉛丹收斂神氣而鎮驚加茯苓以行盡液利下利加大黃以逐胃熱止讖語加桂枝以行陽氣而解身重雜錯之邪斯悉愈矣

柴胡加龍骨牡蠣湯方

半夏

湯洗二合

柴胡

四兩

大黃

二人

參

桂枝

去粗皮

茯苓

龍骨

鉛丹

牡蠣

熱生

薑

各一兩半

大棗

六枚

右十一味

以水八升

煮取四升

內大黃切如碁子更煮一二沸去滓溫服一升

傷寒脈浮醫以火迫劫之亡陽必驚狂起卧不安者桂

枝去芍藥加蜀漆牡蠣龍骨救逆湯主之

成傷寒脈浮責邪在表醫

以火劫發汗汗大出者亡其陽汗者心之液亡陽則心氣虛心惡熱火邪內迫則心神浮越故驚狂起卧不安與桂枝湯解未盡表邪去芍藥以芍藥益陰非亡陽所宜也火邪錯逆加蜀漆之辛以散之陽氣亡脫加龍骨可去脫龍骨牡蠣之屬是也

桂枝去芍藥加蜀漆龍骨牡蠣救逆湯方

桂枝

去粗皮

生薑

切蜀漆

洗去腥各三兩

牡蠣

熬五兩

龍骨

四兩

甘草

炙二兩

大棗

十二枚擘

研為末以水一斗二升先煮蜀漆減

二升內諸藥煮取三升去滓溫服一升

太陽傷寒者加溫針必驚也

心屬火火先入心心主血而藏神血如水也神如魚

也兩陽相熏灼水熱湯沸則魚驚躍不能安矣

風溫脈浮自汗身重多眠若

被火者微則發黃劇則如驚癇時瘕瘕

論見風溫

吳大抵傷寒汗吐下之後虛極之人或因事未決遂

生驚悸者宜養血安神鎮心之劑或硃砂安神丸之

類

悸

成悸心忪也纂纂惕惕然動怔忡忪不能自安也有

氣虛而悸有停飲而悸有汗下後而悸者

汗為心液汗去心虛如魚

無水故悸傷寒二三日心悸而煩者小建中湯少陰病四逆

或悸者四逆散加桂是氣虛而悸也

陽氣內弱心下空虛故悸

飲水

多心下悸是停飲而悸也

心為火而惡水水既內停心不自安則為悸也

太陽

病發汗過多叉手自冒心心下悸者太陽病若下之身

重心下悸者不可發汗少陽病不可發汗汗則譫語此

屬胃胃和則愈胃不和則煩而悸少陽病不可吐下吐

下則悸而驚是數者皆汗下後挾邪而悸者也其治或鎮固之或化散之惟飲之為悸甚於他邪雖有餘邪必先治悸何者以水停心下無所不入侵於肺為喘嗽傳於胃為噦噎溢於皮膚為腫漬於腸間為利治不可緩也故經曰厥而心下悸宜先治水與茯苓甘草湯後治其厥厥病甚重猶先治水況病之淺者乎

太陽傷寒二三日心中悸而煩者小建中湯

方見腹痛

傷

寒脈結代心動悸炙甘草湯主之

成結代之脈動而中止能自還者名曰結

不能自還者名曰代由血氣虛衰不能相續也心中悸動知真氣內虛也與炙甘草湯益虛補血氣而復脈

炙甘草湯方

一名復脈湯

甘草

炙四兩

生薑

切

桂枝

去粗皮各三兩

人參

阿膠

各二兩

生地黃

一斤

麥門冬

去心

麻子仁

各半

升

大棗

十二枚擘

上九味以清酒七升水八升先煮

八味取三升去滓內膠烱消盡溫服一升日三服

補可以去弱人參甘草大棗之甘以補不足之氣桂枝生薑之辛以益正氣聖濟經曰津耗散為枯五臟痿弱榮衛涸流濕剋所以潤之麻仁阿膠麥門冬地黃之甘潤經益血復脈通心也

太陽病小便利者以飲水多必心下悸小便少者必苦

裏急也

成飲水多而小便利者則水不內蓄但胸中水多令心下悸金匱要畧曰食少飲多水停心下

甚者則悸飲水多而小便不利則水蓄於內而不行必苦裏急也小便不利茯苓甘草湯裏急十棗湯

脈浮數者法當汗出而愈若下之身重心悸者不可發

汗當自汗出乃解所以然者乃中脈微此裏虛須表裏

實津液自和便自汗出愈

詳自汗

發汗過多其人叉手

自冒心心下悸欲得按者桂枝甘草湯主之

成發汗過多亡陽也

陽受氣於胸中胸中陽氣不足故病叉手自冒心心下悸欲得按者與桂枝甘草湯以調不足之氣

桂枝甘草湯方

桂枝之辛走肺而益氣甘草之甘入脾而緩中



桂枝

去粗皮  
四兩

甘草

炙二兩

上二味以水三升煮取

一升去滓頓服

發汗後其人臍下悸者欲作奔豚茯苓桂枝甘草大棗

湯主之

汗者心之液發汗後臍下悸者心氣虛而腎氣發動也腎之積名曰奔豚發則從少腹上至心

下為腎氣逆欲上凌心今臍下悸為腎氣發動故云欲作奔豚與茯苓桂枝甘草大棗湯以降腎氣

茯苓桂枝甘草大棗湯方

茯苓

半斤

桂枝

去粗皮  
四兩

甘草

炙二兩

大棗

十五枚擘

上四味以甘爛水一斗先煮茯苓

苓減二升內諸藥煮取三升去滓溫服一升日三服

作甘爛水法取水二斗置大盆內以杓揚之水上有珠子五六十顆相逐取用之

茯苓以代腎邪桂枝能泄奔豚甘草大棗之甘滋助脾土以平胃氣煎用甘爛水者揚之無力取不助腎也氣

太陽病汗出不解其人仍發熱心下悸頭眩身瞤動振振欲擗地真武湯 少陽中風兩耳無所聞目赤胸中

滿而煩者不可吐下吐下則悸而驚

救逆小柴胡去黃芩加茯苓趙少

陽經病證為不可吐下吐下則悸而驚又云尚未吐下脈沈緊者小柴胡湯又云已吐下發汗溫針後譫語為

壞病蓋不可吐下者禁止之辭也未吐下者未經誤治但可和解而已已吐下者失於誤治成壞病也活人於少陽經病證中云尚未可吐下今添一可字恐未穩

傷寒五六日中風往來寒

熱胸脇滿默默不欲飲食心煩喜嘔或心下悸或不渴

身有微熱或欬者小柴胡湯 傷寒脈弦細頭痛發熱

者屬少陽不可汗汗則譫語此屬胃胃和則愈胃不和

則煩而悸

調胃承氣湯

少陰病四逆其人或欬或悸或小

便利或腹中痛或泄利下重者四逆散主之

悸者加桂五分

厥陰傷寒厥而心下悸者宜先治水當服茯苓甘草

湯却治其厥不爾水漬入胃必作利也

手足厥冷而慄者茯苓甘草湯手足厥而不溫者四逆散加桂枝

霍亂吐利心忤者理中丸加茯苓

藏結與結胸痞氣大同小異

問曰病有結胸有藏結其狀何如荅曰按之痛寸脈浮關脈沈名曰結胸也何謂藏結荅曰如結胸狀飲食如故時時下利寸脈浮關脈細小沈緊名曰藏結舌上白

胎滑者難治

成結胸者邪結在胸藏結者邪結在藏二

入裏與陽相結者為結胸以陽受氣於胸中故爾與陰相結者為藏結以陰受之則入五藏故爾氣宜通而塞故痛邪結陽分則陰氣不得上通邪結陰分則陽氣不得下通是二者皆心下鞭滿寸脈浮關脈沈知邪結在陽也寸脈浮關脈小細沈緊知邪結在陰也陰結而陽不結雖心下結痛飲食亦自如故陰氣乘陽虛而下故時時自下利陰得陽即解藏結得熱證多則易治舌上白胎滑者邪氣結胸中亦寒故云難治按本文曰如結胸狀則與結胸當有分別矣註曰是二者皆心下鞭痛欠穩當如結胸狀飲食如故只是按之不痛耳既結於藏而舌白胎又為胸寒外證上下俱病故難治也王朝奉云可刺關元穴

藏結無陽證

不往來寒熱其人反靜舌上胎滑者不可攻也

成藏結於法當

下無陽證為表無熱不住來寒熱為半表半裏無熱其人反靜為裏無熱經云舌上如胎者以丹田有熱胸中

有寒以表裏皆寒故不可攻

王

病胸中素有痞連

在臍旁引入少腹入陰筋者此名藏結死病發於陽

而反下之熱入因作結胸痛發於陰而反下之因作痞

所以成結胸者以下之太早故也

張或謂成無已註云無熱而惡寒者發於

陰也既無熱而惡寒為陰證安可有下之理又豈止作痞而已哉夫仲景所謂陰陽者指表裏而言也非此之謂也病在表則當汗而反下之因作結胸病雖在裏尚未入腑而輒下之因作痞所以成結胸者下之太早故也痞者下之太早故也經曰脈浮而緊浮則為風緊則為寒風則傷衛寒則傷榮又曰脈浮而緊復下之緊反

入裏則作痞由此推之風邪入裏則結胸寒邪入裏則為痞然此亦皆太陽病之所致非陰證之所為也又云病在陽應以汗解陽指表證而言也明矣况痞證諸條未有因無熱而惡寒下之而成者此成先生之誤也

傷寒五六日嘔而發熱柴胡證具而以他藥下之柴胡

證仍在者復與柴胡湯此雖已下之不為逆必蒸蒸而

振却發熱汗出而解若心下滿而鞭痛者此為結胸也


大陷胸湯主之若滿而不痛者此為痞柴胡不中與也

宜半夏瀉心湯

活人云知是痞先用桔梗湯尤妙此方行氣下膈用無不效正氣未衰裏不受

邪故蒸蒸而振發熱汗出然後則愈若下後邪傳裏甚心下痞而鞭痛者為結胸宜大陷胸湯以下裏邪痞微

但滿而不痛此為柴胡不可用半夏瀉心湯無已云下後陽邪傳裏者則結於胸中以胃中為陽受邪與陷胸湯仲景於心下滿而鞭痛者與結胸在心之下乎無已巧言曲喻以陽受氣於胸中陽邪傳裏則結於胸為結胸者誤也



證治準繩卷四十六



欽定四庫全書

子部

證治準繩卷四十七

詳校官太醫院吏目臣周世泰

編修臣倉聖脈覆勘

總校官進士臣朱鈴

校對官中書臣吳俊

謄錄監生臣汪大梓

欽定四庫全書

證治準繩卷四十七

明 王肯堂 撰

傷寒

合病併病

結胸

心下痞結按之鞭滿而痛者結胸也按之鞭滿不痛者

痞氣也經曰病發於陽

發熱而惡寒者

反下之熱入因作結胸

病發於陰

無熱而惡寒者

反下之因作痞所以成結胸者下之

太早也蓋表當汗反下之裏之正氣為下所損則表之全熱乘虛入裏結於心下為結胸也裏之陰分已受邪熱為病是謂發於陰也或熱微下證未全不任轉瀉而反下之則裏之微熱雖除而表之熱邪又至雖不結胸亦成痞也小結胸輕於大結胸而重於痞也由誤之大小非以痞為寒也經謂但結胸無大發熱證為寒實結胸誠非寒也但熱微甚爾及夫臟結者經為熱結於臟

則為病深故云難治若用涼劑而亦有生又陽結者熱結於府則微而淺也又留飲不散而成頭汗脈沈潛及附骨者積飲成水結胸也又有不因誤下而成結胸與痞者此又失下及夫反汗而成者也經謂熱已入裏久不攻之亦至結實名曰三死一生是失下也汗後熱氣傳入心下而痞者是失汗也結胸固知當下或脈浮大者又不可下下之則死是猶帶表邪未全結實故也又結胸證悉具加之煩躁者亦不治也夫藥所以能逐邪

者必待胃氣施布藥力始能溫汗吐下以逐其邪邪氣勝胃氣絕者安可為之

太陽病脈浮而動數浮則為風數則為熱動則為痛數則為虛頭痛發熱微盜汗出而反惡寒者表未解也醫反下之動數變遲膈內拒痛胃中空虛客氣動膈短氣躁煩心中懊懣陽氣內陷心下因鞭則為結胸大陷胸湯主之

成動數皆陽脈也當責邪在表睡而汗出者謂之盜汗為邪氣在半表半裏則不惡寒此頭痛

發熱微盜汗出反惡寒者表未解也當發其汗醫反下之虛其胃氣表邪乘虛則陷邪在表則見陽脈邪在裏

則見陰脈邪氣內陷動數之脈所以變遲而浮脈獨不  
變者以邪結胸中上焦陽結脈不得而沈也客氣者外  
邪乘胃中空虛入裏結於胸膈膈中拒痛者客氣動膈  
也金匱要畧曰短氣不足以息者實也短氣躁煩心中  
懊懣皆邪熱為實陽氣內陷氣不得通於膈壅於心下  
為鞭滿而痛成結胸也與大陷胸湯以下結熱丹謹  
按太陽病在表未曾解在表而攻裏可謂虛矣而況所  
得之脈皆浮而動數乎今得誤下動數變遲矣而又曰  
胃中空虛又曰短氣躁煩虛之甚矣借曰陽氣內陷心  
下因鞭而可迅攻之乎豈大陷胸之力緩於承氣況已  
下者不可再下寧不畏其虛乎上文曰結胸脈浮大者  
不可下下者死又曰結胸證悉具煩躁者死今日脈浮  
又曰煩躁大陷胸果可用乎彼陽病實下後若胃中空  
虛客氣動膈心中懊懣者以梔子豉湯吐胸中之邪況  
太陽失下後  
明有虛證乎

傷寒六七日結胸熱實脈沈而緊心下

痛按之石鞭者大陷胸湯主之

上文既言病發於陽而反下之熱入因作結胸而

則下文不必贅矣上文但言所致結胸之由至此則又發明結胸之脈與證也成註謂此不云下後而云傷寒六七日則是傳裏之實熱誤矣張經言所以成結胸者以下之太早故也此不云下後則云傷寒六七日結胸熱實此亦不因下早而結胸者何也夫下早結胸事之常熱實結胸事之變其熱實傳裏為結胸乃法之關防不盡者故仲景述其証以註方於其下也於此可見古人用心曲盡其妙且如下章以水結胸脇但頭汗出者以大陷胸湯主之亦在常法之外故條列其証以彰其理也亦或其人本虛或曾吐下而裏氣弱外邪因入故曰為結胸者也然所入之因不同其證治則一理而已

傷寒十餘日熱結在裏

復往來寒熱者與大柴胡湯但結胸無大熱者此為水

結在胸脇也但頭微汗出者大陷湯主之

成傷寒十餘日熱結在裏

是可下之證復往來寒熱為正邪分爭未全斂結與大柴胡湯下之但結胸無大熱者非熱結也是水飲結於胸脇謂之水結胸周身汗出者是水飲外散則愈若但頭微汗出餘處無汗是水飲不得外泄滯蓄而不行也與大陷胸湯以逐其水活人云水結胸中半夏加茯苓湯小柴胡去牡蠣湯亦主之

太陽病

重發汗而復下之不大便五六日舌上燥而渴日晡所小有潮熱從心下至少腹鞭滿而痛不可近者大陷胸

湯主之

詳潮熱

大陷胸湯方

大黃

六兩去皮

芒硝

一分甘遂

一錢為末



右三味以水六升先煮大黃取二升去滓納芒硝煮一兩沸納甘遂末溫服一升得快利止後服

結胸由邪在胸中處身之高分宜若可吐然所謂結者諸陽受氣於胸中邪氣與陽氣相結不能分解氣不通壅於心下為鞭為痛是邪正固結於胸中非虛煩隔實之所同是須攻下可也低者舉之高者陷之以平為正結胸為高邪陷下以平之故曰陷胸湯也陷胸破結非苦寒直達者不能是以甘遂為君內經

曰鹹味湧泄為陰又曰鹹以熯之氣堅者以鹹熯熱勝者以寒消是以芒硝鹹寒為臣蕩滌邪寇除去不平將軍之功也陷胸滌熱是以大黃苦寒為使利藥之中此駛劑也傷寒錯惡結胸為甚非此不能通利劑大而數少須其迅速分解邪結也

丹此證經曰胃中空虛曰短氣躁煩曰脈浮此湯不可輕用

小結胸病正在心下按之則痛脈浮滑者小陷胸湯主

之上文云鞭滿而痛不可近者是不待按而亦痛也此云按之則痛是手按之然後作痛爾上文云至少腹  
是通一腹而言之此云正在心下則少腹不鞭痛可知矣熱微於前故云小結胸也

小陷胸湯方

半夏

湯洗半升

黃連

兩

枳實

大者一枚

右三味以水六升先煮枳實取三升去滓內諸藥煮取二升去滓分溫三服

一服未和再服微解下黃涎便安也

若以泄之辛以散之黃連枳實之苦寒以泄熱半夏之辛以散結

病在陽應以汗解之反以冷水噀之若灌之其熱被却不得去彌更益煩肉上粟起意欲飲水反不渴者服文

蛤散若不瘥者與五苓散

寒實結胸無熱證者與三物小陷胸湯白散亦可服

白散方

桔梗

貝母

各三分

巴豆

一分去皮心  
熬黑研如脂

右三味為末納巴豆更於臼中杵之以白飲和服強人半錢羸者減之病在膈上必吐在膈下必利不利進熱粥一杯利過不止進冷粥一杯假令汗出已腹中痛與芍藥二兩如上法

右熱實結胸及寒實結胸活人不拘寒熱但用陷胸

湯不瘥者用枳實理中丸應手而愈

結胸項亦強如柔莖狀下之則和宜大陷胸丸

大陷胸丸方

大黃

半斤

葶蘆

熬芒硝

杏仁

去皮尖熬黑各半斤

右四味搗篩二味內杏仁芒硝合研如脂和散取如彈丸一枚別搗甘遂末一錢匕白蜜二合水二升煮取一升溫頓服之一宿乃下如不下更服取下為效禁如藥法海藏云大陷胸湯太陽入本藥也大陷胸丸陽明藥也小陷胸湯少陽藥也大陷胸治熱實

大陷胸丸兼喘小陷胸治痞

大黃芒硝之苦鹹所以下熱葶蘆杏仁之苦甘所以泄滿甘遂取其直達白蜜取其潤利皆以下泄滿實物也

心下滿痛如結胸狀若頭下強痛眩冒者刺大椎肝膈若汗下後頭項強痛發熱小便不利者桂枝去桂加茯苓

苓白朮湯

方論並見強項

太陽病二三日不能卧但欲起心下必結脈微弱者此本有寒也反下之若利止必作結胸未止者四日復下

之此作協熱利也

太陽病下之脈浮者必結胸也

太陽少陽併病而反下之成結胸心下鞭下利不止水

漿不下其人心煩

結胸證悉具煩躁者亦死 結胸

脈浮大不可下下之則死

張用藥如用兵知可而進知難而退此理勢之必然也夫

寸浮關沈乃結胸可下之脈今脈浮大心下雖結其表邪尚多未全結也若輒下之重虛其裏外邪復聚而必死矣仲景所以言此為歲戒使無踵其弊也其脈既不可攻當以候其變而待其實假如小結胸證其脈浮滑按之則痛故知邪非深結亦不敢下無過解除心下之熱耳小陷胸湯主之或又曰結胸倘有外證大陷胸還可用否予曰結胸無外證或有微熱或有小潮熱仲景已明言之其餘別無表證若有外證其邪亦未結實不

可以結胸論也。經曰：傷寒六七日發熱惡寒，支節煩痛，微嘔，心下支結。外證未除者，柴胡加桂枝湯主之。又傷寒六七日已發汗而復下，胸脇微結，小便不利，渴而不嘔，但頭汗出，往來寒熱，心煩者，此為未解也。柴胡桂枝乾薑湯主之。已上之證，雖云心下支結及言胸脇滿微結，二條俱有外證，所以柴胡加桂及加桂薑以和解之。如無外證，止有胸腹結實而痛者，方為結胸病也。

### 附

活若誤下了，初未成結胸者，急頻與理中湯自然解了。更不作結胸，蓋理中湯治中焦故也。此古人亦說不到。後因人消息得之，若大段轉損，有厥證者，無與四逆湯。



便安胃中雖和傷寒未退者宜候日數足可下却以承氣再下之蓋前來下之未是故也

西晉崔行功云傷寒結胸欲絕心膈高起手不得近用大陷胸湯皆不瘥者此是下後虛逆氣已不理而毒復上攻氣毒相搏結於胸者當用枳實理中丸先理其氣次療諸疾古今用之如神

枳實理中丸方

枳實

十六片  
麤炒

茯苓

人參

白朮

乾薑

炮

甘草

炙以上  
各二兩

研為末煉蜜丸如雞子黃

大每服一丸熱湯化下連進二三服胸中豁然渴者

加枯薑根一兩自汗者加牡蠣二兩煨過下利亦加

海增損理中丸王朝奉云大小陷胸湯丸不愈者宜與

之人參 白朮 枯薑 牡蠣煨 甘草炙各二兩 乾薑炒白

半兩枳實麤炒廿枚 黃芩去枯一兩 研為末煉蜜和丸如彈

子大湯一盞煎服一丸不解復與之不過五六丸胸

中豁然矣藥之神速未嘗見也渴者加瓜薑根有汗

加牡蠣

活水結在胸脇間亦名結胸其證頭微汗出但結胸無熱者小半夏加茯苓湯小柴胡去棗加牡蠣主之

孫俞伯道忽患微熱心下滿頭有汗不能解衆醫以爲溫病用表藥有謂食在膈者治之皆不愈召孫至乃用半夏茯苓湯遂瘥衆問其故曰頭有汗心下滿非濕證乃水結胸脇也水既去其病乃愈且如濕氣心下滿自當徧身汗若有食心滿頭豈得汗若言是表身又不疼不惡寒表證何在故凡水結胸脇頭必

有汗耳

小半夏加茯苓湯

方見嘔門

穿結散大實大滿心胸高起氣塞不通者為結也

蟾酥

麝香

輕粉

巴豆

另研少許

上再研過至

細以乳汁為丸如黍米大每服二丸用薑湯下不時服

本婦人傷寒血結胸膈揉而痛不可撫近宜

海蛤散

海蛤 滑石

甘草

灸各一兩

芒硝

半兩

末每服二錢

雞子清調下水腸通利則胸膈血散臆中血聚則小腸壅小腸壅臆中血不流行宜此方若小便血散數行更宜桂枝紅花湯發其汗則愈活人書云此方疑非仲景然其言有理姑存之

戴熱實結胸如仲景法治之又有寒實結胸雖痛而無煩熱等證此因下後虛逆寒氣獨結宜理中湯加枳實半錢茯苓一錢或枳實理中湯又有水結胸無大熱證

頭微汗出宜小半夏茯苓湯又有血結胸手不可近其人嗽水不欲嚥喜忘如狂大便黑色小便自利宜犀角地黃湯

陶結胸之證嘗見俗醫不問曾下與未下但見心胸滿悶便與桔梗湯便呼為結胸蓋本朱奉議之說也有頻頻與之反成真結胸者殊不知結胸乃下早而成未經下者非結胸也乃表邪傳至胸中未入於腑證雖滿悶尚為在表止屬少陽部分為半表半裏之間宜用小柴

胡湯加枳殼如未効則以本方對小陷胸湯一服豁然  
其妙如神若因下早而成者方用陷胸湯丸分淺深從  
緩而治之不宜太峻上焦乃清道至高之分若過下則  
傷元氣也故陷胸湯丸宜從緩治之嘗讀仲景傷寒論  
結胸條云病發於陽而反下之熱入因作結胸病發於  
陰而反下之因作痞滿所以成結胸者以下太早故也  
及成氏註釋曰發熱惡寒者發於陽也無熱惡寒發於  
陰也再三熟玩不能不致疑於其間蓋無熱惡寒者寒

邪直中陰經之真寒證也非陽經傳至陰經之病也若誤下之不死則危矣豈可以瀉心湯寒熱相參之藥治之而愈乎豈反輕如結胸者乎詳此恐言榮衛陰陽也風屬陽陽邪傷衛頭痛發熱微汗出反惡寒者當服桂枝湯止汗散邪醫者不達而下之胃氣重傷胸中結鞭經又云結胸證脈浮大者不可下下之則死結胸證悉具而煩燥者亦死蓋衛出上焦清道所傷不為不重也故用陷胸湯峻利之藥以下之寒為陰陰邪傷榮當服



麻黃發表誤下之而成痞滿宜瀉心湯以理痞蓋榮出中焦黃連能瀉心下痞邪下於膈不犯清道則元不傷故輕於結胸耳若陰經自中之寒以泄心湯理之而愈者未之有也又云脈來沈實有力方為結胸急用大陷胸湯加枳桔下之

治結胸灸法

巴豆

十四箇

黃連

七寸去皮

同搗細津唾和

成膏填入臍以艾灸其上腹中有聲其病去矣不拘壯數病去為度纔灸了便以溫湯浸手帕拭之恐生

瘡也

摘傷寒結胸 先使人心蔽骨下正痛處左畔揉之以

毫針刺左畔支溝穴

正坐側肩取之二分

次刺左間使名曰雙關

次刺左行間

臥取之針入六分此支溝行間穴下針至分數內撚針令病人五吸次外撚針三呼

又次內撚針五吸訖長呼一口氣出針即左畔一壁結胸立效右畔依上刺之慢慢呼吸停針用針獲時而愈

雲傷寒結胸痞氣

胸中結痞湧泉

太溪

中衝

太陵

心中結痞隱白

太白

少衝

神門

胃中結痞少商 太淵 大敦 太衝并上下中腕瀉之

通玄結胸身黃 湧泉

摘血結胸面赤大燥口乾消渴胸中疼痛不可忍

期門 太陵

闕元

妊娠不得刺闕元胎死不出子母俱亡慎之

集傷寒胸膈痛 期門 太陵

活近世治結胸多用金針并用硫黃陽起石者若寒實結胸或有瘥者若熱實結胸必死也

# 痞

心下滿鞭而痛者為實為結胸鞭滿不痛者為虛為痞  
氣不滿不鞭但煩悶者為支結保命集云脾不能行氣  
於四藏結而不散則為痞大抵諸痞皆熱也故攻痞之  
藥皆寒劑其有一加附子者是以辛熱佐其寒涼欲令  
開發痞之怫鬱結滯非攻寒也先發汗或下後陽氣虛  
故惡寒汗出太陽證云發汗後惡寒者虛也此加附子  
恐大黃黃連損其陽也非補虛也

痞鞭傷寒嘔而發熱者柴胡證具而以他藥下之若心

滿而不痛者此為痞宜半夏瀉心湯

論見結胸痞同異

半夏瀉心湯方

此方藥味蓋本理中  
人參黃芩湯方也

半夏

半斤洗

黃芩

剉 乾薑

人參

甘草

炙以上各三兩

黃連

一兩

大棗

十二枚擘

右七味以水一斗煮取六升去滓再煮取三升溫服

一升日三服

若加甘草即甘草瀉心湯若鞭痞吐利  
若加生薑即生薑瀉心湯治痞鞭噫氣

辛入肺而散氣半夏之辛以散結氣苦入心而泄熱  
黃連之苦以泄痞熱脾欲緩急食甘以緩之

草大棗之  
甘以緩脾

痞鞭下利傷寒汗出解之後胃中不和心下痞鞭乾噫  
食臭脇下有水氣腹中雷鳴下利者生薑瀉心湯主之  
成胃有津液之主陽氣之根大汗出後外亡津液胃中  
空虛客氣上逆心下痞鞭金匱要畧曰中焦氣未和不  
能消穀故令噫乾噫食臭者胃虛而不殺穀也脇下有  
水氣腹中雷鳴土弱不能勝水也與瀉心湯以攻痞加  
益胃

生薑瀉心湯方

生薑

四兩切

半夏

半斤洗

甘草

炙

人參

黃芩

各三兩

黃連

二兩

乾薑

一兩

大棗

十二枚擘

右八味以水一斗煮取六升去滓再煎取三升溫服

一升日三服

傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣上逆故使鞭也甘草瀉心湯主之

成傷寒中風是傷寒或中風也邪氣在表

醫反下之虛其腸胃而氣內陷也下利日數十行穀不化腹中雷鳴者下後裏虛胃弱也心下痞鞭乾嘔心煩不得安者胃中空虛客氣上逆也與瀉心湯以攻痞加甘草以補虛前以汗後胃虛是外傷陽氣故加生薑此以下後胃虛是內損陰氣故加甘草

甘草瀉心湯方

甘草

四兩

黃芩

乾薑

各三兩

半夏

湯洗半斤

黃連

一兩

大棗

十二枚

上六味以水一斗煮取六升

去滓再煎取三升溫服一升日三服

成氣結而不散壅而不通為結胸陷胸湯為直達之劑塞而不通否而不泰為痞瀉心湯為分解之劑瀉心者謂瀉心下之邪也痞與結胸有高下焉邪結在胸中故曰陷胸湯痞者留邪在心下故曰瀉心湯內經曰苦先入心以苦瀉之瀉心者必以苦為主是以



黃連為君黃芩為臣以降陽而升陰也內經曰辛走氣辛以散之散痞者必以辛為君故以半夏乾薑為佐以分陰而行陽也陰陽不交曰痞上下不通曰滿欲通上下交陰陽必和其中所謂中者脾胃也脾不足者以甘補之故用人參甘草大棗為使以補脾而和中中氣得和上下得通陰陽得分水升火降則痞消熱已而大汗解矣

痞濡脈浮而緊而復下之緊反入裏則作痞按之自濡

但氣痞耳

濡與鞭反作痞  
恐當作結胸

心下痞按之濡其脈關上

浮者大黃黃連瀉心湯主之

結言胸痞言心下結言按之石鞭痞言按之濡結言

寸脈浮關脈沉痞不言寸而但曰關上浮可以知二病之分矣  
活人云結胸與痞關脈須皆沈若關脈浮而

結者三黃  
以瀉肝

大黃黃連瀉心湯方

大黃

二兩  
黃連一兩

右二味以麻沸湯二升漬之須臾絞去滓分溫再服

內經曰火熱受邪心病生焉若入心寒除熱大黃黃連之苦寒以導瀉心下之虛熱但以麻沸湯漬服者取其氣薄而瀉虛熱

心下痞而復惡寒汗出者附子瀉心湯主之

因惡寒汗出故加附

子以溫經固陽

附子瀉心湯方

大黃

黃連

黃芩

各一兩

附子

一枚炮去

皮臍破別煮取汁

為呬咀以麻沸湯二升熱漬之一時

久絞去滓內附子汁分溫再服

傷寒大下後復發汗心下痞惡寒者表未解也不可攻

痞當先解表表解乃可攻痞解表宜桂枝湯攻痞宜大

黃黃連瀉心湯

活人云大抵結胸與痞皆應下然表未解者不可攻也表證未解心下妨悶者

非痞也謂之支給柴胡桂枝湯主之胸脇滿微結小柴胡加乾薑牡蠣湯主之

本以下之故

心下痞與瀉心湯痞不解其人渴而口燥煩小便不利

者五苓湯主之

咸本因下後成痞當與瀉心湯除之若服之痞不解其人渴而口燥煩小便不

利者為水飲外蓄津液不行非熱痞也與五苓散發汗散水則愈一方忍之一日乃愈者不飲水者外水不入所停之水得行而痞亦愈也

痞鞭吐利傷寒發熱汗出不解心中痞鞭嘔吐而下利

者大柴胡湯主之心下痞鞭嘔逆下利若表解身涼

脇痛十棗湯主之

方論並見脇痛

活人云十棗湯大柴胡湯皆治心下痞十棗尤難用  
須是表證罷不惡寒身涼其人熱熱汗出發作有時  
頭疼心下痞鞭滿引脇下疼乾嘔短氣者乃可用十  
棗湯表未解者慎不可用也

下利表裏未解太陽病外證未除而數下之遂挾熱而  
利利下不止心下痞鞭表裏不解者桂枝人參湯主之  
成外證未除而數下之為重虛其裏邪熱乘虛而入裏  
虛挾熱遂利不止而心下痞若表解而下利心下痞者  
可與瀉心湯若不下利表不解而心下痞者可先解表  
而後攻痞以表裏不解故與桂枝人參湯和裏解表

桂枝人參湯方

桂枝

去粗皮

甘草

炙各四兩

白朮

人參

乾薑

各三兩

上五味以水九升先煮四味取五升

內桂更煮取三升溫服一升日再夜一服

表未解者辛以散之裏不足者甘以緩之此以裏氣大虛表裏不解故加桂枝甘草於理中湯也

張或問大柴胡湯瀉也桂枝人參湯補也何為皆治下利心下痞鞭予曰此非裏實乃下之早因作痞裏虛協熱而利也不觀成氏註云若表解而下利心下痞者是裏實也可與瀉心湯若不下利表不解而心

下痞者可先解表而後攻痞此以表裏不解故與桂枝人參和裏解表夫傷寒發熱汗出不解心下痞鞭嘔吐而下利者表和而裏病也以心中痞鞭故為實當以大柴胡湯下之二者心下痞鞭雖同而虛實之證有別故用藥有攻補之異也

痞鞭噫氣傷寒發汗若吐若下解後心下痞鞭噫氣不

除者旋復代赭石湯主之

噫氣即俗所謂噯氣也活人云有旋復代赭石證其人或

欬逆氣虛者先服四逆湯胃寒者先服理中凡次服旋復代赭湯為良

旋復代赭石湯方

旋復花

甘草

各三兩

人參

二兩

代赭

石

兩生薑

切伍兩

半夏

湯洗半升

大棗

十二枚

上七味

以

水一斗煮取六升去滓再煎取三升溫服一升日三服

鞭則氣堅鹹味可以與之旋復花之鹹以與痞鞭虛則氣浮重刺可以鎮之代赭石之重以鎮虛逆辛者散也生薑半夏之辛以散虛痞甘者緩也人參甘草大棗之甘以補胃弱

病解後心下痞鞭噫氣若不利者此條旋復代赭

石湯也若下利者前條生薑瀉心湯也

痞鞭氣上衝胸中痞鞭氣上衝咽不得息者瓜蒂散若



心下痞鞭脇痛氣上衝咽眩冒者成痿

方論並見氣上衝心

活人云下利而心下痞服生薑瀉心湯甘草瀉心湯利不止者當治其下焦赤石脂禹餘糧湯主之蓋生薑瀉心甘草瀉心皆治中焦此利在下焦若只治中焦則利益甚爾服赤石脂禹餘糧利復不止當利其小便五苓散主之

可用陷胸丸下之

不可用陷胸湯蓋太猛只用陷胸丸

發熱惡寒身痛表證未解若心下支結妨悶者柴胡桂

枝湯也

方見太陽病若心下痞而腹滿者即前條先以桂枝湯解後用大黃黃連瀉心湯

心下滿似痞而手足厥冷若脈乍結乍緊心煩飢不欲

食者瓜蒂散若脈沈細頭汗惡寒大便鞭者小柴胡湯

論見厥

太陽病醫發汗遂發熱惡寒因復下之心下痞表裏俱

虛陰陽並竭無陽則陰獨復加燒針因胸煩面色青黃

膚瞤者難治今色微黃手足溫易愈

脈浮而大心下反鞭有熱屬臟者攻之不令發汗屬府

者不令溲數溲數則大便鞭汗多則熱愈甚汗少則便難若脈遲尚未可攻 陽明痞胃實心下鞭滿者不可

攻之

論見胃實

附

桔梗枳殼湯

治傷寒痞氣胸滿欲絕

枳殼

桴炒去瓢 桔

梗

各二兩

為呿咀以水二盞煎至一盞去滓分二

服

活傷寒本無痞應發汗醫反下之遂成痞枳實理中

丸最良審知是痞先用桔梗枳殼湯尤妙緣桔梗枳  
殼行氣下膈先用之無不驗也

趙活人書第七十六問中云凡痞服瀉心湯不愈然  
後可用陷胸湯下之愚詳仲景論陷胸湯無治痞之  
例恐太猛難用又况胸與心下處所不同痛與不痛  
陰陽邪亦異除結胸外今將痞證以傳經之邪與內  
陷之邪分為二種而下治焉一者病發於陰身無熱  
而反下之緊反入裏則作痞其脈關上沈為陰邪內

陷也先宜桔梗枳殼湯次半夏瀉心諸湯隨證用之  
服瀉心湯後渴而口燥煩小便不利者五苓散二者  
身有熱不因下後而傳邪入裏亦作痞其脈關上浮  
為陽邪隨經入裏須先解表而不惡寒者宜三黃瀉  
心又有心下痞而汗出惡寒者以陽邪與表之正氣  
入裏故表虛汗出而惡寒因加附子以固表也既結  
胸證有寒實熱實之殊則痞證亦有陰陽邪不為異  
也外有痞而鞭者或桂枝人參湯溫之或大柴胡湯

十棗湯下之亦自早一律也活人書又云關浮則結熱三黃以瀉肝蓋熱結則成結胸非痞也況心下正屬中焦關脈亦主中部故湯名瀉心豈可援雜病脈例以左關為肝部因謂之瀉肝乎

張或謂痞證多有雜以別證而心下痞鞭者必非半夏瀉心之所宜也予曰證候不同宜從治療已上諸痞皆雜別證非特下早而成也仲景所以各從其宜用藥以治之若下早而作痞者但滿而不痛別無外

證與半夏瀉心湯以攻痞宜也

吳夫痞者氣鬱不通泰也若不因下早而為痞者或痰或食或氣為之結也保命集曰治痞用瀉心主之各有冷熱之不同要在辨而治之如熱實而為痞者大黃黃連瀉心湯之類也或寒多而熱少半夏瀉心等湯之類也要之瀉心非瀉心火之熱乃瀉心下之痞滿也

心下滿

有不因汗下而心下滿者經曰邪結在胸心滿而煩飢不欲食當吐之又曰脈浮而大心下反鞭有熱屬藏者攻之吳氏曰按此言屬藏者宿屎在藏也不令發汗二者一吐一下因其邪之高下也又有不可下者如陽明病若心下便滿不可攻之攻之利不止者死利止者愈是邪在表裏之間留於心下未全入府故戒之不可下也有因汗下後心下滿而微痛者及吐下後心下逆滿宜桂枝白朮茯苓湯者又有下後心下鞭滿成結胸與



痞者皆宜詳審而互考之

太陽服桂枝或下之仍頭項強痛翕翕發熱無汗心下滿微痛小便不利者桂枝去桂加茯苓白朮湯 傷寒

吐下後心下逆滿氣上衝胸起則頭眩脈沈緊發汗則動經身為振振搖者茯苓桂枝白朮甘草湯 傷寒六

七日發熱微惡寒支節煩疼微嘔心下支結外證未去

者柴胡加桂枝湯主之

活人云不滿不鞭心下煩悶謂之支結又謂飲水過多成水結

者小半夏茯苓湯

傷寒五六日大便後身熱不去心中結痛

者梔子豉湯 傷寒發熱汗出不解心下痞鞭嘔吐而  
下利者大柴胡湯 太陽少陽併病心下鞭項強而眩  
者當刺大椎肺俞慎勿下

熨法若心胸脇下有邪氣結實滿悶鞭痛用生薑一  
斤搗爛絞去汁以查炒微燥帶潤絹包之於患處款  
款熨之稍可又將查用前汁和勻炒乾再熨許久豁  
然寬快此為良法

傷寒五六日頭汁出微惡寒手足冷心下滿不欲食大

便鞭脈細者此為陽微結有表復有裏也脈沈亦在裏  
假令純陰結不得復有外證脈雖沈緊不得為少陰病  
以頭汗出故知非少陰也宜小柴胡湯設不了了者得  
屎而解

陽明病心下鞭滿者不可攻之攻之利遂不止者死利

止者愈

或用瀉心湯 陽明病腹滿者為邪氣入腑可  
下之心下鞭滿則邪氣尚淺未全入腑不可便

下之得利止者為邪氣去正氣安則  
愈若因下利不止者為正氣脫而死

得病二三日脈

弱無太陽柴胡證煩躁心下鞭至四五日雖能食以小

承氣湯少與微和之

詳胃實

厥陰病人手足厥冷脈乍緊者邪結在胸中心中滿而煩飢不欲食病在胸中須吐之瓜蒂散

吳凡心下滿者正在心之下胃之上也此自滿而非下之所致若下早心下滿者此為痞氣另有條也凡心下滿者以手按之揉之則散而軟者此虛氣也不發熱者以木香和中湯若發熱者以小柴胡加枳實一錢去黃芩加薑炒黃連一錢減人參一半若按之

汨汨有聲者此有停水也若按之鞭痛者有宿食也  
若不按而痛其人喜忘者畜血也各有本條宜詳審  
而治之凡少陽脈弦口苦發熱心下滿者以小柴胡  
加枳實黃連各一錢

心痛心下痛

傷寒五六日大下之後身熱不去心中結痛者未欲解  
也梔子豉湯主之

成傷寒五六日邪氣在裏之時若大下後身熱去心胸空者為欲解若大

下後身熱去而心結痛者結胸也身熱不去心中結痛者虛煩也結胸為熱結胸中為實是熱氣已收斂於內

則外身熱去虛煩為熱客胸中未結為實散漫為煩是  
以身熱不去六七日為欲解之時以熱為虛煩故云未  
欲解也與梔子豉湯以吐除之身熱不去四字要玩  
結胸而身不熱知熱不在表故可用大小陷胸湯丸以  
逐下之今熱仍在表故  
宜越之也成注未透

陽明中風脈弦浮大短氣腹滿脇下及心痛鼻乾無汗

嗜臥身黃小便難有潮熱時時噦者小柴胡湯

詳胃實

少陽病自利清水色純青心下必痛口乾燥者急下之

宜大承氣湯

成少陰腎水也青肝色也自利色青為肝邪乘腎難經曰從前來者為實邪以腎蘊

實邪必心下痛口乾燥也  
與大承氣湯以下實邪

厥陰為病消渴氣上衝心中疼熱飢不欲食食則吐

虵下之利不止

桂枝茯苓  
白朮湯

附

灸傷寒飲水過多腹脹氣喘心下痛不可忍宜灸中脘  
氣海二穴 如小腹有氣上衝者宜灸天樞氣衝三里

三陰交

如無此證  
只用前穴

煩

舊以煩疼亦類入之今詳煩疼者謂身體四肢疼痛煩寃與心煩不同不宜瀝入故去之

煩者熱也謂煩擾也與發熱若同而異也煩熱為熱所

煩無時而歇非若發熱而時發時止也經有煩有微煩  
有煩熱復煩反煩煩滿煩痛煩渴胸中煩心中煩內煩  
虛煩大煩欲解皆以煩為熱也然陰寒而煩者亦不少  
也蓋在表而煩者則有脈浮惡風寒體強痛之證在裏  
而煩者則有潮熱譫語不大便腹滿小便赤澀之證在  
半表半裏而煩者則有往來寒熱胸脇疼痛之證其邪  
在胸膈已上而煩者則有胸滿懊憹可吐之證其陰寒  
而煩者則有惡寒而踈及下利厥逆脈微與夫吐衄之



證大煩欲解者其脈必和但脈不應者為難治若是足冷脈沈細而微者此陰證之煩也急用人參附子熱劑溫之若內傷勞役陰虛火動而煩者其人身倦無力自汗尺脈浮虛也宜補中益氣湯加炒黃連生地黃麥門冬黃蘗知母之類也若不得睡而心煩者無服硃砂安神丸納其浮瀰之火而安神明也此特其大概耳善治病者當以諸證互考之可也

虛煩胸中煩心中煩三者不因汗吐下而煩則是傳經

之邪不作膈實但多和解而已經用小柴胡湯黃連阿膠湯猪膚湯是也若經汗吐下而煩則是邪熱內陷以爲虛煩心中嗛嗛然欲吐憤憤然無奈者是也但多湧吐而已經用梔子豉湯梔子乾薑湯梔子厚朴湯是也蓋有不因汗吐下邪結胸中則爲膈實與瓜蒂散及陽明心煩與調胃承氣湯此又煩之實者也傷寒二三日悸而煩者虛也建中湯少陽之邪入府煩而悸者熱也大抵先煩而後悸是熱先悸而後煩是虛治病必求其

本者此也

太陽傷寒發汗解半日許復煩脈浮數者可更發汗宜

桂枝湯

發汗身涼為已解至半日許身發熱者邪不盡也故當再汗

太陽病初服

桂枝湯反煩不解者先刺風池風府却與桂枝湯則愈

風池是少陽之經陽維之會不針天柱而取風池者陽維維於諸陽巨陽與諸陽主氣故也

發汗

已脈浮數煩渴者五苓散 中風發熱六七日不解而

煩有表裏證渴欲飲水水入則吐曰水逆五苓散 病

在陽應以汗解反以冷水嚥之若灌之其熱不得去彌

更益煩肉上粟起意欲飲水反不渴者服文蛤散若不

瘥者與五苓散

方見渴

傷寒吐下後七八日不解熱結

在裏表裏俱熱時時惡風大渴舌上乾燥而煩者白虎  
加人參湯 服桂枝湯大汗出後大煩渴不解脈洪大  
者白虎加人參湯主之

垣治陰虛發熱煩渴引飲肌熱躁熱至夜尤甚其脈  
洪大按之無力者此血虛發躁當以當歸補血湯主  
之若以白虎湯與之則誤矣如輕手脈來浮大按之

即無者乃無根蒂之脈為散脈也此虛極而元氣將脫也切不可發表攻熱如誤治之即死須用大劑人

參生脈湯救之

當歸補血湯方  
見雜病發熱門

太陽病發汗若下之而煩熱胸中窒者梔子豉湯傷

寒五六日大下之後身熱不去心中結痛者未欲解也

梔子豉湯發汗吐下後其人心煩不得眠若劇者必

反覆顛倒心中懊惱梔子豉湯若少氣者梔子甘草

豉湯若嘔者梔子生薑豉湯

梔子豉湯方

梔子

十四枚 擘

香豉

四兩 綿裹

右二味以水四升先煮梔子得二升半內豉煮取一升半去滓分為二服溫進一服得吐者止後服

經曰其高者因而越之其下者引而竭之中滿者瀉之於內其有邪者瀆形以為汙其在皮者汗而發之治傷寒之妙雖有變通終不越此數法也傷寒邪氣自表而傳裏留於胸中為邪在高分則可吐之所吐之證亦自不同如不經汗下邪氣蘊鬱於膈則謂之

實也應以瓜蒂吐之瓜蒂散吐胸中之實邪也若發汗吐下後邪氣乘虛留於胸中則謂之虛煩應以梔子豉湯吐之此吐胸中虛煩者也梔子味苦寒內經曰酸苦湧泄為陰湧者吐也湧吐虛煩必以苦為主是以梔子為君煩為熱勝也湧熱者必以苦勝熱者必以寒香豉苦寒助梔子以吐虛煩故以為臣內經曰氣有高下病有遠近證有中外治有輕重適其所以為治依而行之所謂良矣

梔子甘草豉湯 於梔子豉湯中加甘草一兩餘依前

法得吐止服

梔子生薑豉湯 於梔子豉湯中加生薑二兩餘依前

法得吐止後服

傷寒下後心煩腹滿卧起不安者梔子厚朴湯主之成

後但腹滿而心不煩即邪氣入裏為裏實但心煩而不腹滿即邪氣在胸中為虛煩既煩且滿則邪氣壅於胸腹之間也滿則不能坐煩則不能卧故卧起不安與梔子厚朴湯吐煩泄滿

梔子厚朴湯方

酸苦湧泄梔子之苦以湧虛煩厚朴枳實之苦以泄腹滿



梔子

十四枚 擘

厚朴

四兩 薑炙

枳實

四枚 水浸 去瓢炒

以上三味以水三升半煮取一升半去滓分二服溫

進一服得吐者止後服

傷寒醫以丸藥大下之身熱不去微煩者梔子乾薑湯

主之

成丸藥不能除熱但損正氣邪氣乘虛留於胸中而未深入者則身熱不去而微煩與梔子乾薑湯

吐煩正氣 神丹甘遂也 或作巴豆 按丸藥所謂

梔子乾薑湯方

苦以湧之 梔子之苦以吐煩 辛以潤之 乾薑之辛以益氣

梔子

十四枚 擘

乾薑

二兩

右二味

以水三升半煮取一

升半去滓分二服溫進一服得吐者止後服

凡用梔子湯病人舊微溏者不可與服之

病人舊微溏者裏虛而寒

在下也雖煩則非蘊熱故不可與梔子湯越之內經曰先泄而後生他病者治其本必且調之後乃治其他病

太陽病若吐若下若發汗微煩小便數大便因鞭者與小承氣湯和之則愈

右發汗吐下後心中懊懣而煩若無燥屎大便更者

梔子等湯證也若有燥屎不大便者小承氣湯證也

痞結胸心煩

詳二門

心煩而渴

詳渴

傷寒二三日心中悸而煩者小建中湯主之

成傷寒二三日邪氣

在表未嘗傳裏之時心中悸而煩是非邪氣搏所致心悸者氣虛也煩者血虛也以氣血內虛與小建中湯先建其裏

太陽病脈浮緊無汗發熱身疼八九日表證仍

在此當發汗服藥已微除其人發煩目瞑劇者必衄乃

解病欲解者必當先煩乃有汗而解太陽病過經

十餘日心下噎噎欲吐而胸中痛大便反溏微滿鬱鬱

微煩

詳胸痛

傷寒脈浮自汗小便數心煩微惡寒腳攣

急反與桂枝湯欲攻其表此誤也得之更厥咽中乾煩

躁吐逆者甘草乾薑湯

詳厥

太陽病吐之但太陽當惡

寒今反不惡寒不欲近衣此為吐之內煩也微數之

脈慎不可灸因火為邪則為煩逆追虛逐實血散脈中

火氣雖微內攻有力焦骨傷筋血難復也吐利汗後

脈平小煩者以胃虛不勝穀氣也

陽明脈下之其外有熱手足溫不結胸心中懊憹飢不

能食但頭汗出者梔子豉湯主之陽明病脈浮緊若

下之則胃中空虛客氣動膈心中懊憹舌上白胎者宜

梔子豉湯

論見自汗

下利後煩按之心下濡者為虛煩也

宜梔子豉湯

陽明病脈遲食難用飽飽則微煩頭眩

必小便難此欲作穀疸

詳眩

陽明病下之心中懊懣而

煩胃中有燥屎者可攻腹微滿初頭鞭後必溏不可攻

之若有燥屎者宜大承氣湯 大下後六七日不大便

煩不解腹滿痛者本有宿食故也大承氣湯 陽明病

不吐不下心煩者可與調胃承氣湯

成吐後心煩謂之內煩下後心煩謂之

之虛煩今陽明病不吐不下心煩則是胃有鬱熱也與調胃承氣湯以下鬱熱

陽明病本自

汗更重發汗病已瘥尚微煩不了了者以亡津液胃中乾燥故令大便鞭問其小便日幾行小便少津液當還胃中故知不久必大便也 病人煩熱汗出則解又如瘧狀日晡發熱屬陽明也

右胃實不大便心煩若吐下後者大小承氣證也若不曾吐下者調胃承氣湯證也

許有人病傷寒八九日身熱無汗時時譫語時因下後大便不通三日矣非躁非煩非寒非痛終夜不得

卧但心中沒曉會處或時發一聲如歎息之狀醫者不知作何證予診之曰此懊懷怫鬱二證俱作也胃中有燥屎者服承氣湯下燥屎二十餘得利而解仲景云陽明病下之心中懊懷微煩胃中有燥屎者可攻又云小便不利大便乍難乍易時有微熱怫鬱不卧者有燥屎也承氣湯主之素問云胃不和則卧不安此夜所以不得眠也仲景云胃中燥大便堅者必譫語此所以有時發譫語也非煩非躁非寒非痛所

以心中懊懣也聲如歎息而發一聲所謂外氣怫鬱也燥屎得除大便通利胃中安和故其病悉去也

少陽傷寒脈弦細頭痛發熱者屬少陽不可汗汗之則

譫語此屬胃胃和則愈胃不和則煩而悸

活人周調胃承氣湯

胸滿而煩若不經汗下無往來寒熱者小柴胡湯

詳往來寒

熱

若汗下後往來寒熱者柴胡桂枝薑湯

詳往來寒熱

無驚小便利譫語身重不可轉側者柴胡桂枝龍骨

牡蠣湯

詳驚

嘔時鬱鬱微煩若與小柴胡湯嘔不止者



大柴胡湯證也若極吐下後胸滿便溏腹痛者調胃承氣湯證也

太陰傷寒脈浮而緩手足自溫者係在太陰當發身黃

小便利者身不發黃至七八日雖暴煩下利十餘行必

自止以脾家實腐穢當去故也

成太陰病至七八日大便鞭者為太陰入府傳

陽明也今至七八日暴煩下利十餘行者脾家實腐穢去也下利煩躁者死此以脾氣和逐特下泄故雖暴煩

下利日十餘行而利必自止宜梔子

藥皮湯或用平胃散加穿山甲以主之

少陰病但欲寐而煩若自利而渴小便白者活人用四

逆湯

論見欲寐

若與白通湯後下利不止厥逆無脈乾嘔

煩者白通湯加豬膽汁

或云明知陰證附子溫之乾嘔而煩格拒不通加人尿豬膽汁

妙在於此熱因寒用

少陰病得之二三日心中煩不得卧黃連

阿膠湯

若下利六七日欬而嘔心煩不得卧者豬苓

湯

下利咽痛胸滿心煩者豬膚湯

若惡寒而踈時

自煩欲去衣被者可治

脈緊至七八日自下利脈暴

微手足反溫脈緊反去為欲解雖煩下利必自止厥

陰手足厥冷而煩若脈乍結乍緊及心中滿飢不欲食

者宜瓜蒂散吐之

虵厥靜而復時煩

詳吐虵

病六七日手足三部脈皆至大煩而噤不能言其人躁擾者欲解也 若脈和其人煩自內際黃者欲解也

煩躁

煩為煩擾之煩躁為憤躁之躁俗謂焦躁是也合而言之煩躁為熱也折而分之煩陽也為熱之輕躁陰也為熱之甚先煩而漸至躁者謂之煩躁先躁而後復煩者謂之躁煩有不煩而躁者此為陰盛格陽也

雖大躁欲於泥水中

卧但飲水不得入口者  
是也活人用霹靂散

又有邪氣在表而煩躁者

太陽中風

脈浮而緊不汗出而  
煩躁大青龍湯是也

有邪氣在裏而煩躁者

病人不大便六七日

繞臍痛煩躁發作有  
時此有燥屎是也

有因火劫而煩躁者

太陽病以火熏之不得汗

其人必躁太陽病二三日反躁火熨其  
背令大汗出大熱入胃躁煩者是也

有陽虛而煩躁

者

陽微發汗躁不得眠與下之後復發汗晝日煩躁不

得眠夜而安靜不嘔不渴無表證脈沈微身無大熱

者乾薑附子湯及發汗若下之病

仍不去煩躁者茯苓四逆湯是也

病吐利手足厥冷煩躁  
欲死者吳茱萸湯是也

此皆證之常也又有諸不治證

詳附於後不可不知

太陽中風脈浮緊發熱惡寒身痛無汗煩躁者大青龍湯發汗不徹太陽證不罷其人面赤躁煩不知痛處

更發汗則愈

詳短氣

太陽病大發汗後胃中乾煩躁不

得眠欲飲者少與之若脈浮小便不利微熱消渴者五苓散因下之心下痞與瀉心湯痞不解渴而口燥煩小便不利者五苓散

得病二三日脈弱無太陽柴胡證煩躁心下鞭至四五日雖能食以小承氣湯少少與微和之令小安至六日

與承氣湯一升若不大便六七日小便少者雖不能食

但初頭鞭後必溏未定成鞭攻之必溏須小便利屎定

鞭乃可攻之宜大承氣湯

王許云無太陽證為無表證也無柴胡證為無半表半裏

也

煩躁不大便續臍痛發作有時者有燥屎也 下

之後復發汗晝日煩躁不得安眠夜而安靜不嘔不渴

無表證脈沈微身無大熱者乾薑附子湯

不嘔不渴裏無熱也身無

大熱表無熱也而脈又沈微故宜溫此當與梔子豉湯證參看蓋下後煩不得眠一也而藥有寒熱不同故爾

乾薑附子湯方

乾薑 附子

一枚去皮破  
八片生用

右二味以水三升煮取一升去滓頓服

內經曰寒淫所勝平以辛熱虛寒太甚是以辛熱剋勝之也

海服薑附湯有二法一法當熱服手少陰心也水色火熱服以接心火身表寒盛外火少也寒從外生熱從內消譬如冷死寒在外也一法當寒服足少陰腎也寒邪入水冷服以類腎水身表微熱內水多也熱從外生寒從內消譬如飲冷寒在內也

發汗若下之病仍不解煩躁者茯苓四逆湯主之

成發汗若

下病宜解也若病仍不解則發汗外虛陽氣下之內虛陰氣陰陽俱虛邪獨不解故生煩躁與茯苓四逆湯以復陰之氣

茯苓四逆湯方

四逆湯以補陽加茯苓人參以益陰

茯苓

六兩

甘草

炙二兩

乾薑

半兩

人參

一兩

附子

一枚生用去皮

破八片

右五味以水五升煮取三升去滓溫服七合日三服煩躁心下鞭若未曾下者即前條無太陽柴胡證以小承氣少少微和之也若已曾下心下鞭痛短氣躁煩者



大陷胸也若結胸證悉具煩躁者死也

方論見結胸

火逆下之因燒鍼煩躁者桂枝甘草龍骨牡蠣湯主之

桂枝甘草龍骨牡蠣湯方

桂枝去粗皮一兩

甘草炙牡蠣

熬龍骨

各二兩

剉為末以水五升煮取二升半去

滓溫服八合日三

辛甘發散桂枝甘草之辛甘以發散經中火邪  
澀可去脫龍骨牡蠣之澀以收斂浮越之正氣

太陽病以火熏之不得汗其人必躁到不解必清血名

為火邪

成此火邪追血而血下行者也太陽病用火熏  
之不得汗則熱無從出陰虛被火必發躁也六

日傳經盡至七日再到太陽經則熱氣當解若不解熱氣迫血下行必清血清廁也按到與倒通反也到不解者猶云反不解而加甚也本文稱太陽病則不可便註為傳經盡也止言太陽病則不傳他經可知矣況於上下文別無承按照應之詞上文言二日及十餘日下文言一二日三四日亦是論日數不言傳經到也成氏

解到字不徹

太陽病火熨其背大汗出火熱入胃胃中水

竭躁煩必發譫語十餘日振慄下利者欲解也

論見譫語

活人云大抵陰氣少陽氣勝則熱而煩故太陽經傷風多煩而躁也

陽明病人不大便五六日繞臍痛煩躁發作有時者此

有燥屎也宜承氣湯 大抵得病二三日脈弱無大柴  
胡證煩躁心下熱小便利屎定鞭以小承氣湯少少微  
和之然有病已瘥面赤微煩必大便鞭當問其小便日  
幾行若小便少津液當還入胃不須攻也

少陽傷寒六七日無大熱其人躁煩者此為陽去入陰  
也

少陰病吐利手足厥冷煩躁欲死者吳茱萸湯

方見吐

少陰病吐利煩躁四逆者死 少陰病四逆惡寒身蹇

脈不至不煩而躁者死 少陰病脈微沈細但欲卧汗  
出不煩自欲吐至五六日自利復煩躁不得卧寐者死  
厥陰傷寒熱少厥微指頭寒默默不欲食煩躁數日小  
便利色白者熱除也欲得食其病為愈若厥而嘔胸脇  
煩滿者必便血 傷寒脈微而厥至七八日膚冷其人  
躁無暫安者為藏結死虵厥雖厥而煩吐虵已則靜非  
若臟厥躁無暫安時也 傷寒六七日脈微手足厥冷  
煩躁灸厥陰厥陰不還者死 傷寒發熱下利厥逆躁

不得卧者死

傷寒得病無熱但狂言煩躁不安者五苓散服之二  
錢新汲水一升許則以指探喉去之隨手愈

成所謂煩躁者謂先煩漸至躁也所謂躁煩者謂先  
發躁而逆運復煩者也從煩至躁為熱未有不漸煩  
而躁者也先躁後煩謂怫怫然更作躁悶此為陰盛  
隔陽也雖大躁欲於泥水中卧但飲水不得入口是  
也此氣欲脫而爭譬如燈將滅而暴明矣蓋內熱曰

煩謂心中鬱煩也外熱曰躁謂氣外熱躁也內熱為有根之火故但煩不躁及先煩後躁者皆可治外熱為無根之火故但躁不煩及先躁後煩者皆不可治也

附

活病人身冷脈沈細疾煩躁而不飲水者陰盛隔陽也宜服霹靂散須臾躁得止得睡汗出即瘥火燄散丹砂丸並主之

霹靂散

火燄散

二方並見陰毒

丹砂丸

方見活人書

海已寒丸此丸不僭上陽生於下治陰證服四逆輩胸中發躁而渴者或數日大便秘小便澀亦服此丸上不躁大小便自利

肉桂

去粗皮

茯苓

各五錢

良薑

烏頭

炮各七錢

附子

炮乾

薑

芍藥

藁香

炒各一兩

研為細末

糊為丸

如梧

桐子溫酒空心下五七十九丸八九十丸亦得酒醋為

糊俱可

本破陰丹治陰中伏陽煩躁六脈沈伏

方論見陰毒

頃年鄉人李信道得疾六脈沈伏不見深按至骨則若有力頭疼身溫煩躁指末皆冷胸中滿惡心更兩醫矣皆不識止用調氣藥予診之曰此陰中伏陽也仲景法中無此證世人患此者多若用熱藥以助之則為陰所隔絕不能引導真陽反生客熱用冷藥則所伏真火愈見消燍非其治也須用破散陰氣導達真火之藥使水升火降然後得汗而解矣乃授此藥



二百粒作一服冷鹽湯下不時煩躁狂熱手足躁擾  
其家大驚予曰俗所謂換陽也須臾稍定略睡身已  
中汗自昏達旦方止身涼而病除矣

戴煩躁陰陽經皆有之陽明經胃有燥屎故煩此當下  
之太陽經已得汗而煩者五苓散少陽亦或有煩宜小  
柴胡湯 陰煩少陰為多由陽氣傳入陰經陰得陽而  
煩自利而渴煩不眠者辰砂五苓散若非是陽氣傳陰  
陰氣犯陰經吐利手足厥冷而煩經云陽虛陰乘之故

煩又云陰盛發躁欲坐井中吳茱萸湯甚者四逆湯加  
蔥白二莖 外有虛煩一證乃是病愈後陰陽未復時  
發煩熱竹葉石膏湯痰多睡不寧者溫膽湯嘔者橘皮  
湯

懊懷

懷即惱字古通字

成心中鬱鬱然不舒憤憤然無奈比之煩悶而甚者懊  
懷也由下後表之陽邪乘虛內陷結伏於心胸之間故  
如是也其治之法或吐之或下之苟或當下反吐療熱

以寒則變證百出矣可不慎歟

太陽病脈浮動數頭痛發熱微盜汗出而反惡寒者表未解也動數變胃中空虛客氣動膈短氣躁煩心中懊

懷

梔子櫟皮湯  
詳自汗

發汗吐下後虛煩不得眠反覆顛倒

心中懊懷梔子豉湯

陽明病下之其外有熱手足溫

不結胸心中懊懷飢不能食但頭汗出者梔子豉湯

陽明病脈浮而緊咽燥口苦腹滿而喘發熱汗出不惡

寒反惡熱身重若下之則胃中空虛客氣動膈心中懊

懷舌上胎者梔子豉湯 陽明病下之心中懊懷而煩

有燥屎者大承氣湯 陽明病無汗小便不利心中懊

懷身必發黃

或用茵陳湯  
梔子蘘皮湯

欬嗽

症附

成欬則有聲無痰嗽則有聲有痰也肺主氣形寒飲冷  
則傷之使氣逆而不散衝擊咽膈令喉中淫淫如痒習  
習如梗而欬嗽也甚者連續不止坐卧不安言語不竟  
動引百骸聲聞四近矣欬嗽有寒者有熱者有停飲者

有在表者有在裏者有在半表半裏者病各不同治亦有異如停飲與表寒相合而欬者小青龍湯停飲與裏寒相合而欬者真武湯邪熱在半表半裏而欬者小柴胡湯欬為肺疾必發散而可已然又有不可發者經曰欬而小便利不可發汗發汗則四肢厥冷又曰欬而發汗蹇而苦滿腹中復堅此為逆也又脈數者為心刑肺金則死

太陽傷寒表不解心下水氣乾嘔發熱而欬或渴或

利或噎或小便不利少腹滿或喘者小青龍湯主之

留水

於胃故乾嘔而噎水射肺故喘欬水停心下故渴水入腸間故利水畜下焦故小便不利少腹滿與小青龍湯發汗散水水氣內漬則所傳不一故有或為之證隨證消息治之

傷寒心下有水氣

欬而微喘發熱不渴服湯已渴者此寒去欲解也小青

龍湯主之

小青龍湯方

麻黃

去節

芍藥

乾薑

細辛

桂枝

去粗

皮各三兩五味子

半夏

各半升湯洗

甘草

炙二兩

右八味以水一斗先煮麻黃減二升去上沫內諸藥

煮取三升去滓溫服一升

加減法 若微利者去麻黃加薤花如雞子大熬令赤色下利者不可攻其表汗出必脹滿麻黃發其陽水漬入胃必作利薤花下十二水水去則利止 若渴者去半夏加栝蒌根三兩辛燥而苦潤半夏辛而燥津液非渴者所宜則去之栝蒌味苦而生津液故加之 若噎者去麻黃加附子一枚炮經曰水得寒氣冷必相搏其人即餒加附子溫散水寒病人有寒

復發汗胃中冷必吐虵去麻黃惡發汗 若小便不利少腹滿去麻黃加茯苓四兩水畜下焦不行爲小便不利少腹滿麻黃發津液於外非所宜也茯苓泄畜水於下加所當也 若喘者去麻黃加杏仁半升去皮尖金匱要畧曰其人形腫故不內麻黃內杏子以麻黃發其陽故也喘呼形腫水氣標本之疾

青龍象肝之兩歧而主兩傷之疾大青龍主榮衛之兩傷此則主表不解而又加之心下有水氣則非麻



黃湯所能解桂枝湯所能散乃須小青龍始可祛除  
表裏之邪氣耳表不可以麻黃發汗為君桂甘草佐  
麻黃發散為臣欬逆而喘肺氣逆也內經曰肺欲收  
急食酸以收之故用芍藥酸寒五味子酸溫為佐以  
收逆氣心下有水津液不行則腎氣燥急食辛以溫  
之是以乾薑細辛味辛熱半夏味辛溫微熱為使以  
散寒水逆氣收寒水散津液通行汗出而解矣心下  
有水則所傳不一故又有增損之證水畜則津液不

行氣燥而渴去半夏則津液易復枯蘖根苦微寒潤  
枯燥者也加之則津液通行水氣不行漬入腸間如  
下利者不可攻表麻黃專主發散非下利所宜故去  
之薤花味苦寒為湧泄之劑水去則利止薤花下水  
故加之噎者去麻黃加附子經曰水得寒氣必冷水  
寒相搏其人則噎噎為胃氣虛竭麻黃發汗非胃虛  
冷所宜故去之附子味辛熱熱則溫其氣辛則散其  
寒故用為佐以為散冷寒之氣 凡邪客於體者在

外者可汗之在內者可下之在上者可湧之在下者可滲之水畜下焦小便不利小腹滿滲泄可也非發汗所宜故去麻黃加茯苓味甘淡專行津液內經曰濕淫於內以淡滲之是也 若喘者去麻黃喘為氣逆麻黃發陽故去之杏仁味苦甘溫加之以泄逆氣金匱要略曰其形腫者不用麻黃乃用杏子以麻黃發其陽故喘逆形腫也

太陽傷寒六日中風往來寒熱胸脇苦滿默默不欲飲

食心煩喜嘔身有微熱或欬者小柴胡湯去人參加五味子乾薑

陽明欬而表解胃實屬陽明病若反無汗小便利而嘔

手足厥者必頭痛若但頭眩不惡寒能食者必咽痛

實

少陰病欬而下利譫語小便難者被火氣劫故也

詳下利

少陰病四逆其人欬者四逆散加五味子乾薑各五

分少陰病下利六七日欬而嘔渴心煩不得眠者猪

苓湯 少陰病二三日不已至四五日腹痛小便不利  
四肢沈重疼痛自下利者此為有水氣其人欬者真武  
湯加五味子半升細辛乾薑各一兩

傷寒欬逆上氣其脈散者死謂其形損故也 欬而失

小便者不可發汗汗出則四肢厥冷

論見遺溺

附

雲傷寒汗後喘欬不止恐傳肺痿補肺散 人參一兩五

味子

半兩

桑白皮

二兩

款冬花

蛤蚧

一對

研為細末

每服五錢沸湯一盞調服

傷寒汗下後咳嗽肺虛聲音嘶敗者宜

阿膠散

薯蕷

阿膠

炒

五味子

麥門冬

去心

白朮

各一

兩乾薑

桂枝

各二錢

杏仁

去皮三錢

上剉細每服七

錢水二盞入烏梅肉一錢同煎服

傷寒汗下後喘欬煩躁氣滯澀邪氣逆者用

桔梗湯

桔梗

桑白皮

各一兩

甘草

貝母

訶黎勒

各半兩

研為細末每服五錢入五味子烏梅肉各

一錢水二鍾同煎服

人參石膏湯 治傷寒欬嗽不已心煩及風熱頭疼精

神不利昏瞶宜服 人參去蘆五分石膏兩一半夏湯炮梔子

仁 黃芩各一錢川芎 白朮 茯苓去皮知母各一錢半

甘草炙二錢 上作一服水二鍾生薑三片煎至一

鍾不拘時服

吳凡表寒欬嗽者脈浮惡寒身疼拘急而無汗也麻黃湯或三拗湯汗之痰唾如膠者金沸草散汗之若有熱

者參蘇飲去木香人參加桑白皮杏仁麻黃汗之亦佳  
但察天時與病情斟酌而用之也若虛弱人感冒風寒  
而欬嗽有痰或惡風頭疼乾嘔者宜人參杏仁湯凡傷  
寒二三日傳少陽經脈弦口苦發熱而欬嗽者小柴胡  
湯去人參大棗生薑加五味子乾薑主之若發熱胸中  
煩滿而欬者加炒枳實若胸脇痞滿發熱而欬者加枳  
殼桔梗主之凡陰證手足冷脈沈細而欬嗽者四逆湯  
加五味大抵傷寒欬嗽非比雜證同也按仲景治例有



嗽者不分陰陽二證俱用五味子乾薑也蓋五味子收肺氣而止嗽以乾薑之辛溫肺經散逆氣也

瘧射干湯 治初秋暴雨冷及天行暴寒其熱喜伏於

內欬嗽曲折不可得氣息喉啞失聲乾嗽無唾喉中

如梗 射干 紫苑 當歸 獨活 麻黃 甘草

各一兩 生薑 炮橘皮 肉桂 去粗皮 枳實 炙各二兩 半夏 洗

兩 杏仁 去皮尖炒一兩半

右咬咀每服五錢水一盞半煎至八分去滓溫服

直視 目中不了了

成直視者視物而睛不轉動也睛轉者非也水之精為志火之精為神目者心之使也神所寓焉肝之外候也精神榮焉針經曰五臟六府之氣皆上注於目而為之

精精之策為眼骨之精為瞳子筋之精為黑血之精為絡氣之精為白肌肉之精為拘束裏擷五藏

氣血調和精氣充榮則目和而明矣邪氣壅盛冒其正氣則神識不慧藏精之氣不上榮於目則目為之直視傷寒直視邪氣已極證多難治

狂言直視為腎絕直視搖頭為心絕直視譫語

喘滿者死下利者亦死又劇者發則不識人循衣摸牀  
惕而不安微喘直視脈弦者生濇者死皆邪盛而正氣

脫經曰衄家不可發汗汗則額陷脈緊急直視不能眴  
以肝受血而能視亡血家肝氣已虛本氣又弱又發汗  
亡陽則陰陽俱虛所致也此雖逆未為甚又直視與目  
中不了了形證相近一可治一不可治也

太陽衄家不可發汗汗出則額上陷脈急直視不能眴  
不得眠

衄詳

汗後身猶灼熱名風溫脈陰陽俱浮自汗

身重多眠語言難出若被下者小便不利直視失溲

風詳

溫

陽明傷寒吐下後不解不大便至十餘日  
日晡所發潮熱不惡寒獨語如見鬼狀劇者發  
則不識人循衣摸牀惕而不安微喘直視脈弦  
者生濡者死

直視譫語喘滿者死下利者亦死

傷寒六七日目中不了了睛不和無表裏證大便難身  
微熱者此為實也急下之宜大承氣湯

吳若戴眼反折者此為上視絕汗乃出大如貫珠不

流此膀胱絕也其目中不了了能視物但見一半而  
不見一半所有譫妄而胡言者是也若內實不大便  
者宜下之內虛者多難治也

鬱冒

昏憤 舊以叉手冒心濫入今去之

成鬱為鬱結而氣不舒冒為昏冒而神不清俗謂之昏  
迷是也皆因虛乘寒所致經曰諸虛乘寒者則為厥鬱  
冒不仁此寒氣乘虛中上也駱龍吉以附子湯倍人參  
川芎天麻乾薑之類主之又曰太陽病先下之不解因

復發汗以此表裏俱虛其人因冒冒家汗出自愈由表  
和也若不得汗不解者以人參三白湯加川芎天麻如  
下虛脈微者加附子以溫腎經乃固本也經曰滋苗者  
必固本伐下者枯其上此之謂也要畧曰新產婦人有  
三病一瘕二鬱冒三大便難亡血復汗寒多鬱冒又曰  
產婦鬱冒其脈微弱不能食大便堅者蓋由血虛而厥  
厥而必冒冒家欲解必大汗出觀此則鬱冒為虛寒可  
知矣又少陰病下利止而頭眩時時自冒者死以其虛

極而脫也

太陽病先下之而不愈因復發汗以此表裏俱虛其人

因致冒冒家汗出自愈所以然者汗出表和故也裏未

和然後復下之

成氏以鬱訓冒疑未瑩按說文冒字以曰久目曰即小兒及蠻夷頭衣也此致

冒者謂若物蒙蔽其目也是昏迷之義今以冒為鬱不惟失六書之本旨且失病情及仲景之意也裏未和時刻作得裏和或增未字而不去得字則舛於文理今以宋本正之

諸乘寒者則為厥

鬱冒不仁口急不能言戰慄也 太陽與少陽併病頭

項強痛或眩冒時如結胸心下痞鞭者當刺大椎肺俞

肝俞

詳項  
強

陽明病人與小便不利大便乍難乍易時有微熱喘冒不能卧有燥屎也宜大承氣湯 少陰病但欲寐下利止而頭眩時時自冒者死厥陰下利清穀脈沈遲其人面赤身有微熱必鬱冒汗出而解

詳下  
利

傷寒吐下後虛煩脈甚微八九日心下痞鞭脇下痛氣上衝咽喉眩冒經脈動惕者久而成痿

海傷寒傳至五六日間漸變神昏不語或睡中獨語一



二句目赤唇焦舌乾不飲水稀粥與之則咽不與則不思六脈細數而不洪大心下無痞腹中不滿大小便如常或傳至十日已來形貌如醉醫見神昏不已多用大承氣湯下之則誤矣蓋不知此熱傳手少陰心經也然又未知自何經而來答曰本太陽經傷風風為陽邪傷衛陰血自燥熱結膀胱主病逆傳於丙丙丁兄妹由是傳心心火自上迫熏肺所以神昏也蓋肺為清肅之藏曰有火邪是令神昏宜梔子黃連黃芩湯若脈在丙者

導赤散脈在丁者瀉心湯若誤用涼膈散此乃氣中之  
血藥也如右手寸脈沈滑有力者則可用之或用犀角  
地黃湯近於是已本方所說若無犀角以升麻代之是  
陽明經藥也此解陽明經血中熱藥若脈浮沈俱有力  
者此是丙丁俱有熱可以導赤散瀉心湯各半服之則  
宜矣此證膀胱傳丙足傳手經者下傳上也丙傳丁者  
表傳裏也壬傳丁者艮之離也越經傳者又為腑傳臟  
也活人云傷寒只傳足經不傳手經者此言不盡其意

也有從足經而傳手經者何以知之經云傷寒或止傳一經或間傳三經不可一途取之但視其脈與外證治之此活法也與食則咽者邪不在胃也不與則不思者以其神昏故也邪熱既不在裏誤用承氣下之其死也必矣

脈在丙者脈浮也脈在丁者脈沈也脈丙丁俱有熱者浮沈俱有力也

余雲衢太史形氣充壯飲噉無人辛卯夏六月患熱病肢體不甚熱而間揚擲手足如躁擾狀昏憤不知人事時發一二語不可了而非譫也脈微細如欲絕有謂是

陰證宜溫者有謂當下者時座師陸葵日先生與曾植齋馮琢菴二太史皆取決於余余謂是陽病見陰脈在治為不治然素稟如此又值酷暑外爍酒炙內炎宜狂熱如焚脈洪數有力而此何為者豈熱氣怫鬱不得伸而然耶且不大便七日矣始以大柴胡湯主之時大黃止用二錢又熟煎而太醫王雷菴力爭以為太少不若用大承氣余曰如此脈證豈宜峻下待大柴胡不應而後用調胃承氣調胃承氣不應而後用小承氣以及大

承氣未晚也已服藥大便即行脈已出手足溫矣余謂雷菴曰設用大承氣能免噬臍之悔哉繼以黃連解毒湯數服而平七月初遂與陸先生同典試南京不復發矣明年余請告歸里偶得劉河間傷寒直格讀之中有云畜熱內甚脈須疾數以其極熱畜甚而脈道不利反致脈沈細而欲絕俗未明造化之理反謂傳為寒極陰毒者或始得之陽熱暴甚而便有此證候者或兩感熱甚者通宜解毒加大承氣下之下後熱稍退而未愈者

黃連解毒湯調之或微熱未除者涼膈散調之或失下  
熱極以致身冷脈微而昏冒將死若急下之則殘陰暴  
絕而死蓋陽氣後竭而然也不下亦死宜涼膈散或黃  
連解毒湯養陰退陽積熱漸以宣散則胸中再暖而脈  
漸以生然後撫卷而嘆曰古人先得我心矣余太史所  
患正失下熱極以至身冷脈微而昏冒欲絕者也下與  
不下大下與微下死生在呼吸間不容髮嗚呼可不慎  
哉宜表而出之以為世鑒

不能言

成不能言及語言難出有二證其一則太陽風溫其一則少陰咽中生瘡是皆傳經之邪熱氣壅蔽所致陰寒之證氣血通行則關節開張語言出矣

太陽發汗已身猶灼熱名風溫脈尺寸俱浮自汗身重多眠鼻鼾語言難出

詳風溫

少陰病咽中傷生瘡不能言語聲不出者苦酒湯

吳凡瘡瘻不言有六一者少陰病咽中傷生瘡不能

語言者以雞子苦酒湯主之二者狐惑傷寒上唇有  
瘡咽乾聲啞者治見本條三者瘕證口噤不能言者  
亦見本條四者熱病瘖啞不言三四日不得汗出者  
死五者熱甚火傷肺金不能言者宜清肺降火則愈  
六者風熱壅盛咳嗽聲啞者以消風降痰火治又有  
失於發散風邪伏於肺中者當發散之

鼻鼾鼻鳴

成風溫則鼻鼾太陽中風則鼻鳴由風氣壅塞衛氣不



利所致陽明少陽三陰雖亦有中風然邪不在邪故鼻  
不鳴而不鼾也

太陽中風陽浮陰弱陽浮熱自發陰弱汗自出啻啻惡  
寒淅淅惡風翕翕發熱鼻鳴乾嘔者桂枝湯 汗已身  
猶灼熱脈浮自汗身重多眠鼻鼾語言難出不可下不  
可火

證治準繩卷四十七